



La Géorgie  
 Indépendante  
 Revue mensuelle  
 M A R S  
 1936—№ 123

მ ა რ ტ ი  
 1936 წ.  
 № 123

# დავით აღმაშენებლის

ს ა ქ ა რ თ ვ ე ლ ო ს პ ო ლ ი ტ ი კ უ რ ი პ ა რ ტ ი ე ბ ი ს ო რ გ ა ნ ო .

## მ ი ნ ა ა ტ ს ი :

მეტაურტი—გაშიშვლდენ!  
 რ. ინგილა—შიშის დღენი.  
 X. X.—განახლებული ირანი.  
 ექ. თაყაიშვილი—აკადემ. ნიკო მარტი.  
 ინდოეთის გზები.  
 უცხოეთის მიმოხილვა.

ერთა ლიგის ირგვლივ.  
 საქართველოს საკითხი.  
 გერმანული პრესა საქართველოზე.  
 მოხსენება შოთა რუსთაველზე.  
 სამაგალითო ადამიანი.  
 საქართველოს ამბები.

## გ ა უ ნ ი უ ზ ლ დ ე ნ I

სწორეთ რომ გაშიშვლდენ, და ამ მხრივ 1936 წ. პირელი თებერვალი ერთგვარი ისტორიული თარიღია საბჭოთა კავშირის ეგრედ წოდებულ ევოლუციისათვის. ვინც დაესწრო საფრანგეთის პალატის გრძელ დებატებს რუს-ფრანგთა პაქტის გამო, მისთვის შეუმჩნეველი ვერ დარჩებოდა სიტყვა «ევოლუცია», რომელსაც იმარჯვებდენ ერთი და კომპ. 170 მილიონიან «ნაციასთან» კავშირის დასამყარებლათ. საბჭოები იგი არ არის—ამბობდენ ისინი—რაც იყო, მან განიცადა დიდი ევოლუცია, შექმნა უძლიერესი სახელმწიფო, გარდიქმნა ერთ ერად, ერთ სამშობლოდ, რომელსაც მზათ არიან თავი შესწირონ მისმა შვილებმა.

რუსების ემიგრანტული პრესაც, თავის მხრით, დიდ მუყაითობას იჩენდა დაესაბუთებია უვიც, ან უკეთ—თავის ნებით დაბრმავებულ ფრანგთა დებულება: დიახ, რასაკვირველია, საბჭოთა კავშირი იგივე რუსეთია, რომელიც გამოსჭედა საუკუნეთა გასწვრივ რუსის ხალხმა, რომელმაც შექმნა რუსული კულტურა, შეადგულა ყველა ერები, ასწია მაღლა არა-რუსები, აზიარა თავის ხელუქმნელ ცივილიზაციას... მილიუკოვმა ლექციაც კი წაიკითხა სორბონაში საფრანგეთის დიდი რევოლუციის იდეურ ნათესაობაზე ყოფილ და უკვე აღმდგარ რუსეთთან, რისთვისაც ქება შეასხეს მას ფრანგ პროფესორებმა, როგორც მთელი რუსეთის, ე. ი. რუს და არა-რუს ერთა კეთილშობილ მისწრაფებათა და ზრახვათა «საუკეთესო გამომხატველს».

სტალინმა, სიმაართლე უნდა ითქვას, თავის დროზე აულა აღლა ამ ახალ მოთხოვნილებას, გადაისროლა ლოზუნგი: სამშობლო tout court, უზენდართავოთ, არ უძღვის მას წინ «სოციალისტური». ჩვენ გვაქვს სამშობლო, მისთვის სიცოცხლე, მისთვის სიკვდილი—აი, სადღეისო ამოცანაო, უბრძანა მან თავის ქვეშევრდომთ.

და ესენიც შეუდგენ «დიდი ბელადის იდეის» ცოხნას. მაგრამ ჩქარა აღმოჩნდა ერთი ძალიან «ვიწრო ადგილი». სამშობლო, მისთვის სიცოცხლე, მისთვის სიკვდილი!—ხელი ჩასუიდეს არარუსებმა, სამშობლო დაკარგულეებმა, მაშ ვადიდოთ, ალვადგინოთ ჩვენი სამშობლო—დასწყვიტეს მათ და... გამოვიდა სულ სხვა, ვინემ «სათაყვანებელ ბელადს» ეგონა! სამშობლო გამოდგა არა საბჭოთა კავშირი, არამედ საქართველო, უკრაინა და ბევრი სხვა, აი ვისი დიდება, ვისთვის თავდადება და აღდგენა გაიხადეს სადღეისო ამოცანად ნამდვილმა პატრიოტებმა.

მიხვდა სტალინი, «მეფე ღვთისაგან სვიანი», და უმალ შეაბრუნა კენი, რა შუაშია საბჭოები, რა შუაშია კავშირი, ნამდვილათ რუსეთია ჩვენი სამშობლო, აი ვინ უნდა გავაღმერთოთ, ვის უნდა შევეწიროთ სულით და ზორციტ—ბრძანა მან. და I-ლ თებერვალს საკავშირო აღმასრულებელმა კომიტეტმა უქვემშემბრომლესად დაადასტურა ეს ახალი საცოხნელი. ჩვენი სამშობლო რუსეთია და მისი შემქნელი, შემგროვებელი (სობირატელ) გახლავთ რუსის

ერი, «პირველი თანასწორთა შორისო»—აღიარებს რუსების პარლამენტი».

რაც მართალია, მართალია! საბჭოები, ბოლშევიზმი, კომუნისმი, კოლექტივიზაცია, ჩეკა, გეპეუ და კიდევ სხვა ბევრი მარგალიტები ხომ რუსეთის, რუსის ხალხის მონაპოვარი განძეულობაა, აბა ვის შეუძლია შეედავოს «სვიან მეფეს!» ამას ვამბობდით დღიდან მის გამეფებისა, უფრო ადრეც, «სულმნათი» ლენინის დროსაც, რომლის სახელით აბატონებდნენ რუსულ ენას ყველა «დაძმუკიდებელ რესპუბლიკებში».

დღეს ამას თვითონაც ამბობენ, დოგმად აღიარებენ—აი რაა საყურადღებო ისტორიული ფაქტი. რუსეთის თვითმპყრობელობა, რუსული იმპერიალიზმი—აი რას ამკლავებენ ისინი თავისივე ბაგით, იფხრწენ პირსაფარს, აჩენენ თავის მახინჯ სახეს, შიშვლდებიან.

«ბელადი» გამოდის პედაგოგის როლშიც. მან გადასინჯა კომუნისტ-ისტორიკოსების ნაჯღანნი, სკოლებში რომ ახეპირებდნენ, და საშინლათ გაჯავრდა: როგორ, ვინ ვაბედა ასე შეურაცხება რუსის ხალხისა, მისი წარსულის, აწმყოსი, მომავლის! და პირველათ, რა თქმა უნდა, ბუხარინმა მოინანია რუსების ობლობოვებად გამოყვანისთვის. მოხდა, ხდება რუსის ხალხის გენერალური რეაბილიტაცია, უმოწყალოთ შლიან ისტორიულ სახელმძღვანელოებში რუსებისთვის შეურაცხყოფელ ადგილებს, ზოგს მთლათ ხევენ და ახალ სახელმძღვანელოებს ადგენენ, მინინ-პაჟარსკის გმირობას არ ივიწყებენ, არც პეტრე დიდის რეფორმებს, გლეხთა განთავისუფლებას და სხვა ისტორიულ თარიღებს.

ეს «ახალი ხაზი» უკვე ვალექსეს ქართველმა პლეტებმა სამშობლოს 15 წლის ტყვეობის აღსანიშნავათ, «ხელი მოაწერიეს» 1.580.000 ქართველს და მართვეს რენეგატ ჯულაშვილს. დაიჯერეთ, შეუძლებელი იყო რუსულ იმპერიალიზმის აპოთეოზის უკეთ გადმოცემა. ბევრი ჯავრდება ასეთი ჯამბაზობისთვის, თუმცა მზგავის ყალბი «პეტიცია» მხოლოდ იმას მოწმობს, რამდენათ სახიფათოა ჯალათებისთვის თავისუფალი პლებისციტი ქართველ ერისა. ქართულ მუხის მსახურნი, მიუხედავად ლექსთაწყობის უვარვისობისა, თითქო არ არიან იუმორის მოკლებულნი, თხზავენ აშკარა სიცრუეს, რათა მით უფრო ნათლათ დაგვიხატონ დამკვეთთა ტაკი მასხარობა. სტალინი ღირსია უარვისა და მისი «ნაცვალი», ტფილისის ჩეკიდან, უფრო შნოიანათ აბა როგორ იდღესასწაულებდა სამშობლოს დამხობის წლისთავს.

მოლოტოვი და სტალინი, სოვნარკომის და კომპარტიის სახელით, მიულოცავენ ბერიას და მის მონანებულ ღვთის გლახას მახარადეს: «საქართველოს მშრომელთა და წითელი ლაშქრის გაერთიანებულმა ცდამ მიაღწია მენშევიკების განდევნას და პროლეტარულ რევოლუციის გამარჯვებას საქართველოში». ვის შეეძლო ასე აშკარათ, ასე გარკვევით დაენახებია ქვეყნიერებისთვის, რა მოხდა 15 წლის წინ საქართველოში? არავის, უეჭველათ, და ამ უზუნაეს გუჯარს» ჩვენ გამოვიყენებთ თავის დროზე.

ან რად უნდა მოერიდონ მოსკოვიტები თავის შავ საქმეთა საქვეყნოთ გამოფენას, ისინი რამდენათმე უკვე აღწევენ მიზანს. ერიომ და სხვებმა ჩინებულათ იციან, რომ რუსეთში ბევრია სხვა ერებიც მდიდარი წარსულით და უტყუარი მომავლით, მაგრამ ამ დროებით მათ ეჭვირებათ ძლიერი მოკავშირე, «ერთი და განუყოფელი რუსეთი», და სტალინიც, რეტდასხმული გერმანია იაპონიის შიშით, თვალის დახამხამებაზე შესთავაზებს მათ «განუყოფელ რუსეთს», ზარბაზან-ტანკა-ავიონებით, მარშლებით, კაზაკებით... ვის არ ახსოვს, რა აღტაცებას იწვევდა ძველათ კაზაკების გამოჩენა პარიზის ქუჩებზე. ეს იცის სტალინმა და მისთვის ხომ უადვილესი საქმეა ერთი ყვენობა აქაც გამართოს, მზხავსათ მიკარენის კარნავალისა, საბჭოთა კავშირის ყველა ერთა მონაწილეობით და მობერებულ «ხარის», კაშენის წინამძღოლობით, როგორც მისი «ნაცვალის».

მხოლოდ ვინც ზომანე მეტ ერთგულობას იჩენს, თავის სისუსტეს ამკლავებს. მართლა, სხვას აბა რას მოასწავებს ამდენი ჭაბანწყვეტა? რუსეთი, ძველი რუსეთი მკვდრეთით აღსდგაო, ძლიერი, უძლევი—ბუკს აყვირებენ კრემლის კოშკიდან. ვისი ძლიერი, უძლევი, განა გუშინ გერმანიის ფეხ ქვეშ არ იყო გაშხლართული!—შესძახებს პიტლერი—განა ეს ახმანი სახელმწიფო ჩვენ არ შეეჭმენით, ვინ უნდა დაანგრიოს იგი, თუ არა ისევე ჩვენ!

თითქო ამის საპასუხოთ «მარშალი» ვოროშილოვი მიმართავს ტფილისის სახელმწიფო თეატრიდან ქართველ ერს: გმადლობთ შენ, დაბლა თავს გიკრავთ, რომ გვაჩუქე რუსეთის პროლეტარიატს, ასეთი სწორუპოვარი დიდი ბელადიო! და «როსტაც» გვაუწყებს, რომ «საქართველოს დელეგაცია» წარუდგა სტალინს, ორჯონიკიძეს, მიკოიანსო. ქეშმარტი რუსები!—აი ვინ გვიშენებს უძლევე რუსეთსო—მისეალმა «დელეგაციას» მოლოტოვი.

ჩვენ ვიცით, რაა მათი ნაშენი, როგორია მისი



გამძლეობა ამოვარდნილ ქარიშხალის წინ. მართალია უურნალისტ რთი პოუორდს განუცხადა სტალინმა თავის ინტერვიუში: «ჩვენ ვიბრძოლებთ მონგოლიისათვის», მაგრამ განა აშკარა არაა, რომ ეს დაპირება იგივე გამოვა, რაც მანჯურიისათვის ბრძოლა? როგორი თავნარი დასცა მას და მის ყმებს ტოკიოს ამბებმა, როგორ ჩაუვარდათ მუტელში ენა და შეძვრენ სოროებში!

მაშასადამე, ამ სამგლოვიარო წლისთავზე ჩვენცა გვაქვს რით უნდა ვინუვეშოთ. წუმპედან ამოტივტივებული ძველი რუსეთი არც ისე ძლიერია, როგორც მისი მეთაური გვარწმუნებს. პირველ სერიოზულ გართულების უმალ, შიგნიდან თუ გარედან, «სვიან მეფეს» რეტი ესხმის და მხოლოდ თავის ძვირფას გვამის ხსნაზე ზრუნავს. მას უკვე მზათა აქვს ამ შემთხვევისთვის ლენინის ცნობილი ლოზუნგი: «თავს უშველეთ, სარდაფში შეძვერით, დაუბრუნდით არალეგალურ პარტიულ მუშაობას!»

**შ ი შ ი ს ლ ე ნ ი ნ**

თუმცა დრომ მოიტანა უკვე, რომ მკითხველს ჩვენს შინაურ ავკარგზე გამოგსაუბრებოდი, მაგრამ ეს ჩემი წადილი ამჟამადაც გამოუთქმელი მრჩება, და ბრალი კი ისევ საერთაშორისო იმ ახლართდახლართვას ადევს, რომლისაკენაც ძალაუნებურად იხრება ყოველ ჩვენგანის გულისყური, და გამომხაურებასაც საჭიროებს.

ხლოდ ერთი კი უნდა ითქვას, რომ ამ შემთხვევებში მიზანი ჩვენი ამბავთა უბრალო აღნუსხვით სულაც არ განისაზღვრება: ეპიური ქრონიკა დღევანდელ ქართველისათვის არ არსებობს! «სახლისათვისისა შურით შექმული», ის აკვირდება და იკვლევს მოვლენებს იმდენად, რამდენადაც მათი მსვლელობითა და განვითარებით აღმოცნობა ტყვედქმნილ საქართველოს ბედის ტრიალი... ამიტომ არის, რომ ამჟამინდელ ქართველ პოლიტიკოსის კალამს მაშინაც კი, როცა ის გარეგნულად დაშორებულსა და უცხო თემას ეხება, მიზანში მაინც ისევ ქართული პრობლემა აქვს ამოღებული.

«დამ. საქარ.»-ს იანერის გამოცემაში მე დავსვი კითხვა: ვის და სად მოედება ეთიოპიაში ავარდნილი ხანძარი? მასუკან ყოველდღიური მაგალითებით უკლებლივ მტკიცდება, რომ ევროპაშიაცა და მის გარედაც მრავლად მოიპოება ისეთი პუნქტები, სადაც გაკუპრულ ბოძებს უკვე დასტრიალებს აფრიკის ნაპერწკალი.

ის, რაც ჩვენს თვალწინ იშლება ევროპაში, შეიძლება თანმიმდევრობითი კავშირით არ ებმოდეს ცეცხლში გახვეულ აფრიკას და მიზეზობრივად იმავე ევროპის ახლოწარსულთან იყოს გადაბმული, მე მაინც იმ აზრზე ვდგევარ, რომ გასულწლის ღვინო-

ბისთვეში ერიტრეა-სომალიაში ამტყდარმა ზარბაზნის ქექამ ბევრს მოამარჯვინა ხელში ჩახმანხი.

თავისთავად საგულისხმოა, რომ უკიდურესად გართულებულ საერთაშორისო მდგომარეობა უნდა ესარგებლათ ყველა იმათ, ვისთვისაც ომისშემდგომი ვითარება მიუღებელი გამოდგა და ზოგ მომენტში აუტანელიც. თეორიულ კრიტიკასა და ბუნდოვან უქმაყოფილებას თავისთავად მოსდევს აშკარა რევიზიული სულსკვეთება და, როგორც მისი ბუნებრივი შედეგი, პრაქტიკული გამოვსვლები აწუნებულ სიტუაციის შესახვაფერებლად; იტალიის «კალონიალ» ომის ნახმევით ევროპა შეტოვდა...

აქ ზედმეტი არ არის აღინიშნოს ერთი ფორმალური მხარეც, რაკი სიტყვას მოება: სახეში მაქვს ის დელიკატური მდგომარეობა ერთა ლიგის მიმართ, რომელშიაც იმყოფება იტალია დლიდან სანქციების დადებისა! მრავალ მოსახრებათა გამო იტალია ერთა ლიგაში კვლავ განაგრძობს მონაწილეობას, ამავე დროს კი სახელმწიფურ პრესტიჟისა და სასიცოცხლო ინტერესების დაცვა ავალებს მას ამავე დაწესებულებასთან სასტიკ განუწყვეტილ კონფლიქტში იმყოფებოდეს.

ფორმალური მოსახრებით ერთა ლიგის წევრობა თავისთავად ჰგულისხმობს ლიგის სტატუტის მიღებას სახელმძღვანელოდა და აღსასრულებლად, მაგრამ განა იშვიათად წააწყდებით ცხოვრებაში ისეთს მოვლენებს, როცა აკინძული იურიდიული სტატიები და პარაგრაფები ყირავდებიან, თუკი ამას მოითხოვს საგნის არსება და საქმის წარმატება.

საიმპერიო განდიდების გზაზე გამოსული ახალი სულით შთაბერილი იტალია ველარ გადაუხვევს ნახევარწლის წინად გადადგმულ ნაბიჯს. იმათ კი, ვისაც ფორმალურ მხარის გარეშე არაფრის შესმენა უნდათ, ავიწყდებათ, რომ უკანდახვევა აფრიკაში წარმოებულ ოპერაციებიდან ერთის მხრით, და რადიკალურ შეცვლა ეწენევაში ებრთულ გენისა მეორის მხრით, იტალიას ჩასწევდა მეორე ხარისხოვან სახელმწიფოთა რიგში, ხლოდ მის შინაცხოვრებაში ესევე გარემოება ყოველივე ექვის გარეშე სოციალ აღრევის საბაზად გარდიქმნებოდა!

იტალიის შეხედულება ერთა ლიგისადმი რეზოლუტიურად ასე შეიძლება გამოითქვას: უქნარი და საზოგადოდ უვარგისი გამოდგა ეს საკრებულო; სავსებით გააცრეუვა მასზე აგებული იმედები; ომის საშიშროება ოდნავაც ვერ ააშორა კაცობრიობას; ვერ მისცა შვედის მალამო აფორიქებულ ცხოვრებას; თვით—საკუთარი არსებითი—გახდა მშვიდობიანობის დამრღვევი ფაქტორი...

თქმა არ უნდა, ერთა ლიგა საზოგადოდ მართლაც ასცდა სწორ გზას და გადააუკუღმავა თავისი დანიშნულება, თუმცა ისიც უნდა ითქვას, რომ ამაში პასუხისგება მეტნაკლებობით ყველას მიუძღვის! ასეა, თუ ისე, ამ ხნობამდის სახელმწიფონი ერთა ლიგის მიმართ ორი მომენტით ხელმძღვანელობდენ: 1) ლეგალი ღონისძიებანი ერთა ლიგის მოდიფიკა-

ციისა, ანდა, ვთქვათ, მთლად მისი გაუქმებისათვის; 2) უფლება სეცესიისა, უკეთუ პირველი ცდა ვერა სურის.

თუმცა ერთა ლიგას არ ძალუძს თანაბრად დააკმაყოფილოს ცალცალკე თვითეული წევრის მოთხოვნილებები და პრეტენზიები, მაგრამ უკმაყოფილონიცა და შეურიგებლად განწყობილნიც არც თუ ისე ხალისით მოისურვებენ ლიგის «პროკრუსტის საწოლში» მთლად მოიმტვრიონ სახსრები! ერთა ლიგის გადახალისება უნდა დადგეს საერთაშორისო დღის წესრიგში...

სეცესიის გზას დაადგა იაპონია, როცა მიჰხვდა, რომ მისი ექსპანსია შორეულ აღმოსავლეთში ერთა ლიგის წევრთა უმეტესობის წინააღმდეგობასა და პროტესტს იწვევდა; ამისა გამო მან სასარგებლოდ მიიგნია თავისი საარსებო ინტერესების დაცვა ერთა ლიგის გარედგომით განეგრძო. ერთა ლიგა მიატოვა გერმანიამაც, როცა აგრეთვე დარწმუნდა, რომ ვერსალის დამსჯელი სული აღმოუფხვრელი შთებოდა ომის დამთავრების თუთხმეტი წლის შემდგომაც. სწორეფლებიანობასა და თავის საშვენიო სახელმწიფურ პატივის მოხვეჭასა და დამკვიდრებას მესამე რაიხიც ლამობს ერთა ლიგის გარეშე მთავაროს, ამავე გზას გაჰყვნენ ზოგიერთი სხვა სახელმწიფოებიც.

უსათუოდ მტრე მოსახრებებით უნდა ეხლმძღვანელა იტალიას, 18 გიორგობისთვის შემდეგ კიდევ რომ თანაწევრობს ერთა ლიგაში, მაგრამ საჭირო ხდება იმისი აღნიშვნაც, რომ მთელ ამ დღეთა მანძილზე იტალიურ კუთრნალ-გაზეთები ერთხელ ალებულ შეუთრებლობით მისდევენ ანტილიგურ პოლიტიკას. გასაგებია, რომ ასეთივე უნდა იყოს მმართველ წრეთა შეხედულებაც.

ცოტა ხნის წინ ხმა გავრცელდა, თითქოს იტალია უცდიდეს «ცამეტა კომისიის» რეზოლუციას და იმ შემთხვევაში, უკეთუ მის მიერ დადებულ იქმნება ემბარგო, ან ებრვე სხვა რეპრესსაიები, არ დაიყოვნებს ლიგიდან გასვლას. როგორც ირკვევა ამ წერილის თხზვისას (11 მარტი), ზემოაღნიშნულმა კომისიამ ჯერხნობით საზავო წინადადებით მიჰმართა ორთავე მოქიშვე მხარეს და, საფიქრებელია, თავის განაჩენს შეუფარდებს გარემოებათა განვითარებას.

რა ემჯობინება ფაშისტურ ხელისუფლების ინტერესების მიხედვით, ამის განსჯაში მე ვერ შევალ, თვინიერ ამისა კი ვფიქრობ, რომ ერთა ლიგისადმი არსებულ პოზიციის ასე შეურიგებლად გაგრძობა თავის დროზე ალბად უკარნახებს იტალიას ემბარგოსა და სხვა აქტების დაუცდელადაც ლიგის წევრობაზე უარი სთქვას.

ყოველივე ამის გარეშე «ცამეტა კომისიის» შემოხსენებულ ნაბიჯს ერთგვარი ცვლილება შეაქვს საერთაშორისო კონიუნქტურაში: იტალიამ პრინციპიტალად მიიღო უენევის საზავო წინადადება, ხოლო ამავე დროს აჩქარებული ტემპით განაგრძობს ომს აბისინიაში მოტორიზულ ნაწილთა (და განსა-

კუთრებით საჰაერო ფლოტის) ინტენსიური ამოქმედებით.

უენევაში განზრახული საზავო საუბარი არ უნდა იყოს ადვილად შესასრულებელი: იქ «ფაქტი» უპირისპირდება «უფლებას», «მოქმედება» — «პრინციპს!» ორთავეს გაკაყებული «ადეპტები» ეგულეობა, ორთავენი ფანატიკურად დაჯერებულნი არიან თავის სიმართლეში: უენევაში მძიმე გამოცდა იწყება...


ამნაირ არეგდარეულობაში ჩაფლულ მდგომარეობას ამასობაში მიემატა კიდევ ერთი თავსამტვრევი გარემოება: გერმანიამ ხელახალი ცალმხრივი აქტით უვალდებულო ჰყო თავისთვის ვერსალის ხელშეკრულების კიდევ ერთი დადგენილება, რომლის ძალით დაწესებული იყო რაინლანდის დემილიტარიზაცია განსაზღვრულ ვადით. ამ სტრიქონების ქრონოლოგია უსწრებს ინციდენტის მხოლოდ დასაწყისის პერიოდს და ღმერთმა უწყის, ხვალ და ზევ რა გამოტყვრება ახალი...

საფრანგეთში უკიდურესი აურზაურია: გერმანიის უკანასკნელი გამოხვლა საფრანგეთისათვის ყველაზე უფრო საგრძობ საგანს შეეხო: იმავე ვერსალის ტრაქტატის დარღვევამ გერმანიას მისცა რეგულარ საფუძველზე აგებული ჯარი, რომლითაც ის ეხლა საფრანგეთის მიჯნას პირისპირ მიეკრა!

მესამე რაიხი მეთოდურად იბრუნებს დაკარგულ პოზიციებსა და გავლენას საერთაშორისო მიმართულებაში: ჯარის აღდგენითა და დემილიტარულ ზონების მოსპობით იგი ამთავრებს სახელმწიფურ ემანსიპაციის ერთ უკანასკნელ ეტაპთაგანს, რომლის რკალი შეიკვრება მაშინ, როდესაც წართმეულ კოლონიებზე დაწესდება მისი ასე ვთქვათ honorum possessio, და ვინ იტყვის, რომ მისი რეალიზაცია მიუთხრობელ მომავალს უწერია?!

აღშფოთებული საფრანგეთი გერმანიის ახალ გამოსვლას ლოკარნოს პაქტის დარღვევადაც აცხადებს და გადაჭრით მოითხოვს დემილიტარულ ზონის აღდგენას, წინააღმდეგ შემთხვევაში იმუქრება, რომ გერმანიისადმი ერთა ლიგის მაილდებინებს ფინანსიურსა და ეკონომიურ სანქციებს, ვითარცა პრელიმინარ ზომებს. გერმანია კი გადაჭარბებულადა სთვლის ჩადენილ ყოფაქცევის ასეთს კვალიფიკაციას და თავისი მხრით დასძენს, რომ ლოკარნოს ხელშეკრულება არსებითადა და ფაქტიურად გაბათილებული არის საფრანგეთ-რუსეთის უკანასკნელი პაქტით! ვინ არის მართალი ამ «ერისტიკაში», ჩვენ ვერ გამოვცდებით, ერთი კი ცხადია, რომ საფრანგეთისა და რუსეთის ახალი ჯურის შეუღლება (არსებითათ და არის სამხედრო კავშირი) ყოველგან გაგებული არის, როგორც ახალი მომენტი, რომელსაც ძალუძს ძირიანად შეასხვაფეროს ევროპაში არსებული სიტუაცია...

ამ ფაქტთან დაკავშირებით აუცილებელი ხდება პრაქტიკულ მნიშვნელობის კითხვის დასმა: შესძლებს საფრანგეთი სათანადო კოალიციის მოწყობას უენევაში? გადინდება მის სასარგებლოდ ინგლისის



ნებით ამოძრავებული «წონასწორობის» დამპყერი spiritus rector-?

უთანხმოებისა და არეფ-დარევის მიზეზი ყოველს შემთხვევაში უფრო ღრმა არის, ვიდრე ეს ზოგიერთ პოლიტიკოსს ჰგონია, გარნა მისი სიმძიმის ცენტრიც სულ სხვაგანა დევს! მირაჟებთან ბრძოლა სერვანტისის გმირის ხელობაა და არც პანიკის ატეხა მაინცდამაინც შეადგენს სახელმწიფო კაცთა ხელობას...

გერმანია ღონეს იკრეფს და ემზადება; ეს ხდება დაუფარავი სიცხადით. საფრანგეთს სიმშვიდე ჰპართებს, და ამას მას აცლის ის პროვოკატორი, ვინც თავად უცთომლადა ჰგროძნობს და ჰხედავს, ნამდვილად ვის წინამდევ იმოსება ძალით გერმანიის მილიტარული ორგანიზაცია... ეს ის პროვოკატორია, რომელიც ათასგვარ ხრიკებითა და ბინძური საშუალებებით ცდილობს დაანგრის მერე დიდი შორეული იმპერია, ასევე მთელის თავისი ბუნებითა და სისტემით წითელ იმპერიალისმის წინამდევ რომ არის მომართული.

ქვეყნის ამშლელი პროვოკატორი აქ დღემუდამ იმის ცდაშია, რომ საფრანგეთში შექქმნას ალიაქოთური ატმოსფერა, გააღრმავოს უნდობლობა და განხეთქილება მასა და გერმანიას შორის, ალაგალაგ ჩხვლეტითა და გაღიზიანებით გამოიწვიოს ხელახალი სისხლისღვრა და, მაშასადამე, ერთხელ კიდევ «გარეწარაქციოს რისხვია» და გადაარჩინოს თვისი «სიკვდით შემოსილი წყლულება»...

იქ კი—შორეულ აღმოსავლეთში—ესევე პროვოკატორი აღმართულ ძლიერების აშორებას იაპონიის დისკრედიტაციის მეოხებით ოცნებობს! ნიშნები არის, რომ ბოლშევიკების ალარმისტულ ჩმახვას შორეთში უფრო ნაკლები ვასავალი აქვს: არამც თუ ამერიკაში, სადაც მოსკოვს ისევე შორიახლო უვლიან, როგორც სახელგატყხილ დედაკაცს, მანჯუკუოს ხუნსუხებმაცა და ჩინეთის ბანდიტებმაც დაბოლოს შეიგნეს, რომ, ქრთამის გაცემის გარეშე, რუსეთისაგან არავითარი მოვლა და პატრონობა არ არის გამოსალოდნელი! თვით გასაბჭოებულ გარემონგოლეთშიაც იმედი გადაუწყდათ ბლიუხერის ტანკებისა და აეროპლანების ძღვეამოსილებაში...

იაპონიის იზოლაცია კომუნისტებს ვერ გაუნაღდათ. მესამე ინტერნაციონალის აქციებს «ტაიფუნი» ანიავებს. შორეულ აღმოსავლეთში მოსკოვის საქმე განწირულია!..

ღრო არის, რომ ევროპის «სნობებმაც» შეიგნონ, რომ პროვოკატორი მოსკოვია, მესამე ინტერნაციონალის შემქნელი, მასაზრდოებელი და წამქუხებელი იმპერიალისტური რუსეთი!

ის უნდა დაინგრეს, რომ თავბრუდახსმული ერები და სახელმწიფოები მთლად არ ჩაეფლუნენ დალუპვის წუმპეში...

Carthagine delendam esse!

რ. ინგილი,

### გ ა ნ ა ხ ლ ე ბ უ ლ ი ი რ ა ნ ი

(პოლენურ ჟურნალებიდან)

#### II.

პოლიტიკური პერსპექტივები.

როგორია ირანის სამეურნეო აღორძინების პოლიტიკური შედეგები? შეეფერება გარეგანი პოლიტიკური ფორმა ერის ეკონომიურ ვითარებას?

თავის პოლიტიკური ფორმით ირანი ავტორიტარული სახელმწიფოა შაჰინ-შაჰის მეთაურობით; მის გვერდით მოქმედობს წარმომადგენლობითი დაწესებულება—მეჯლისი (პარლამენტი) კანონმდებლობითი ფუნქციებით და მთავრობა, როგორც აღმასრულებელი ორგანო. ყოველი ღონისძიებანი ტარდებიან მეჯლისში, რის შემდეგ ხდებიან სავალდებულონი და იქცევიან კანონად. პიროვნების და ქონების ხელშეუხლებლობა დაცულია ძირითადი კანონებით. შრომის და პროფესიის თავისუფლება სახელმწიფოს მიერ უზრუნველყოფილია.

ამრიგად პოლიტიკური ზედნაშენი სავსებით ეგუება და უდგება ქვეყნის დღევანდელ განვითარების შინაარსს. არა დაცილება ეკონომიკასა და პოლიტიკას შორის, არა პოლიტიკის ზეგავლენა ეკონიკაზე, ან წინამდევ, არამედ სრული ჰარმონია ამ ორ ფაქტორთა შორის—აი დამახასიათებელი თვისება ირანის სახელმწიფოებრივი სტრუქტურისა. ხოლო რა სახეს მიიღებს ირანის პოლიტიკური წყობა შემდეგში—ძნელია ამის თქმა, თუმცა მისი საერთო მიმართულება დღესაც ნათელია. ის უნდა წავიდეს სახელმწიფოს კონსოლიდაციის ხაზით, წარმომადგენლობითი სისტემის განმტკიცებით.

მაგარი ხელისუფლება და ხალხის ინტერესები—აი სახელმწიფოებრივი ლოზუნგი ახალგაზნდა ირანის.

მაგრამ ირანის ბედი მართა შინაური ფაქტორებით არ ამოიწურება. მისი ისტორიული ვითარება მეტად აქტუალურს ხდის ირანის საგარეო მდგომარეობას.

მერე როგორია ეს მდგომარეობა ქვეყნის რეკონსტრუქციის ფაქტორების თვალსაზრისით?

როგორია მისი გზები და პერსპექტივები?

როგორც ზევითა ვსთქვით, გუშინდელი სპარსეთი ფაქტიურად ინგლისის და რუსეთის ექსპლოატაციის ობიექტს წარმოდგენდა. ეს ექსპლოატაცია არ კმაყოფილდებოდა მართა ეკონომიური სფეროებით და ხშირად ქმნიდა განსაზღვრულ პოლიტიკურ ფაქტორებს, რაც ძველ სპარსეთს ვასაქანს არ აძლევდა და სულ უზუთავდა. დღევანდელი შაჰის მოსვლამ და საერთაშორისო კონიუნქტურამ სახლგარი დაუღო უცხოელთა თარეშს და ქვეყანა განახლების გზაზე გამოიყვანა. მაგრამ საგულისხმოა, რომ ირანი შინაგან განვითარება-აღორძინებასთან ერთად ენერგიულად მუშაობდა საგარეო მდგომარეობის სტაბილიზაციისათვის. შინაგანი სიმტკიცე, პოლიტიკურ და სამეურნეო ცხოვრების მოწყობა გავდა თავდები საგარეო გავლენის და ავტორიტეტის განმტკიცების საერთაშორისო ასპარეზზე.

ამ შინაგან ვითარების მნიშვნელობა პირველად

ინგლისმა დააფასა და «ნებაყოფლობით» დასტოვა და დაუბრუნა ირანს გამაგრებული კუნძულები სპარსეთის ყურეში—ბასიდუ და განჯანი. იქ ბრიტანეთის დროშა ირანის ლომმა შესცვალა. ამ პატარა ფაქტში იმალება დიდი ისტორიული ამბავი, რომლის ნამდვილ შინაარსს, ალბად, ახლო მომავალი გაგვიხსნის. მაგრამ ის თავის თავადაც მეტად მნიშვნელოვანია და გვიჩვენებს ინგლისის პოლიტიკის შემდგრებულ ირანთან კეთილ განწყობილების დასამყარებლად.

ამასვე დასტურებს მეორე ისტორიული მნიშვნელობის ფაქტი, რაიც გამოიხატა ირან ერაციის ურთიერთობაში. უნდა ითქვას, უკანასკნელ ხანამდე მეტად გამწვავებული მდგომარეობა იყო ამ ორ მეზობელ და მოძმე ერთა შორის. სწორი კონფლიქტები, გაუგებრობანი და ურთიერთისადმი უნდობლობა ჩვეულებრივ მოვლენას წარმოადგენდა. ამ სიმწვავეს ირანი მით უფრო მძაფრად გრძობდა, რამდენადაც ერაციის პროტექტორი ინგლისი იყო და ბუნებრივია ამ ანარქორმალურ განწყობილების ძირს და მიზნებს ის ინგლისის პოლიტიკაში ხედავდა. ცხადია, ამ მდგომარეობას სარგებლობდნ ზოგიერთი უცხო ძალებიც, რათა ქვეყნის ამ კუთხეში დაქიმულ ატმოსფეროს კულტივიზაციით თავისი იმპერიალისტური ზრახვები გაენადლებიათ,—განახლებული ირანი ისევე ძველ კალაპოტში ჩაეყუდათ და ამავე დროს ინგლისის სამფლობელოებისავეცა გზა გაეკაფათ. ამ ბოლო დროს ეს ისე ხელშეხანები და აშკარა განდა, რომ შეუძლებელი იყო იგი ირანის სახელმწიფო მოღვაწეთ და განსაკუთრებით ინგლისის არ დაენახათ და სათანადო ზომები არ მიეღოთ. და აი გასულ აგვისტოს რიცხვებში ამ «ისტორიულ გაუგებრობებსაც» ბოლო მოეღო და ორ მოძმე ერთა შორის (ირანი და ერაცი) მეგობრობის კავშირი დაიდო, რასაც ინგლისის წარმომადგენელი იდენი ერთა ლიგის სექტემბრის სესიაზე მიესალმა და დადასტურა. ირან-ერაციის ამ შეთანხმებაში ინგლისმა, უეჭველია, დიდი როლი ითამაშა და მით სპარსეთის ყურეში ზავი დიდი ხნით უზრუნველყო.

ისიც იქვს გარეშეა, რომ ინგლისის დღევანდელი პოლიტიკა ახლო აღმოსავლეთში ერთ მთავარ დებულებიდან გამოდის: უზრუნველყოს ზავი მცირე აზიის სამხრეთ ნაწილში და მეგობრობა დაამყაროს აქ მის მოსაზღვრე სახელმწიფოებთან. ამ პოლიტიკის შედეგია ოთხთა კავშირის შექმნის ცდები, რომელთაც შევლენ—ირანი, ერაცი, ოსმალეთი და ავღანისტანი). ამ გეგმის რეალიზაცია დღეს სპარსეთში არავის საუკუვოდ აღარ მიახნიათ, ის მხოლოდ დღეების საქმეა. აქაც, როგორც ზევით ვსთქვით, ინგლისის პოლიტიკა სავსებით ეთანხმება ირანის საგარეო მიზნებს და უკანასკნელიც ამას მოხერხებულად იყენებს. პირველი მიისწრაფვის მცირე აზიის პაციფიკაციისაკენ, რათა ევროპასა და შორეულ აღმოსავლეთში ხელები ექნეს გახსნილი. ხოლო მე-

ორეს (ირანის) მიზანი კეთილი დამოკიდებულება დაამყაროს მეზობლებთან და განამტკიცოს სახელმწიფოს შინაური ძლიერება. აქ ირანის და ინგლისის ინტერესები ერთად მიდინან; ირანის დასავლეთ, სამხრეთ და აღმოსავლეთ საზღვრების უზრუნველყოფას აუცილებელს ხდინან.

და მართლაც, ბრიტანეთს დღეს არაფერი აქვს ირანში საძებარი. ობიექტიურად მისთვის უფრო სარფინია მოწყობილი, სტაბილური ირანის სახელმწიფოს არსებობა რუსეთსა და ინგლისის სამფლობელოებს შორის, ვინმე სუსტი და დაბეჩავებული სპარსეთის, რომელიც ადვილად შეიძლება გახდეს რუსეთის სათარეშო ასპარეზად. ამიტომაცაა დღეს ინგლისმა უკუაგდო ირანის შინაურ საქმეებში ჩარევის პოლიტიკა და მას ელაპარაკება, როგორც სწორი-სწორს. ბრიტანეთის დღევანდელი პოზიცია შედეგია ათეული წლების გამოცდილების და უპაანწყვეტის... ყოველ შემთხვევაში ამ მხრივ ირანის დამოუკიდებლობას საფრთხე არ მოელოს. ექვს გარეშეა ამას კარგად გრძობენ ირანის ხელმძღვანელები რეგეი და სათანადო ანგარიშსაც უწევენ.

ამრიგად, ირანის პლატონე ორ მოქიშვე ძალათაგან ერთი—სამხრეთის—სერიოზულად და დიდი ხნით მოხსნილად უნდა ჩათვალოს. ის უკვე შეურიგდა განახლებული ირანის ნაციონალურ ინტერესებს და იცნო მისი ცხოველყოფილება. ამ მხრივ ირანის ნორმალურ განვითარებას საფრთხე არ მოელოს. ეს დებულება ძალაში რჩება, რასაკვირველია, იმდენად, რამდენად ინგლისი იქვს არ აიღებს რუსეთის გავლენის ზრახვებზე ირანში.

სულ სხვა მდგომარეობაა ჩრდილოეთში. 1918-20 წლებში სპარსეთი თითქოს განთავისუფლდა ჩრდილოეთის საფრთხისაგან; მის საზღვრებს მოსწყდა რუსეთის იმპერიალიზმის ტალღა, მაგრამ საბჭოების მიერ კავკასიის და კასპიის მხარის ხელმეორედ დაპყრობით ირანი კვლავ რუსეთის პირის-პირ აღმოჩნდა. იგი ჩრდილოეთით და ჩრდილო აღმოსავლეთით სპარსეთს მოადგა იმავე ზრახვებით და ისტორიული მისწრაფებებით, რაიც საუკუნოებით იმპერატორის რუსეთის ასულდგმულება—გასვლა თბილ ზღვებისაკენ. მართალია საბჭოები კიდევ არ არის რუსეთი, მხოლოდ იმ განსხვავებით, რომ მეფის რუსეთი მოდიოდა აშკარა იმპერიალისტური ზრახვებით, ხოლო საბჭოები კი იმავე მიზნებს კომუნისტურ ლოზუნგებში ხვევენ. სწორედ ამ განსხვავებაში იმარბება უდიდესი საფრთხე ახლად აღორძინებულ ირანისათვის; ეკონომიური განვითარება და ქვეყნის ევროპეიზაცია უეჭველია უხვ მასალას შეუქმნის კომინტერნს მშრომელთა წრეებში კომუნისტური დემოკრატიისათვის. რასაკვირველია, საბჭოთა ხელისუფლება ხელსაყრელ მომენტამდე არსად გამოჩნდება; ფორმალურად კეთილმეზობლობის ეტიკეტსაც დაიცავს, მაგრამ თავის დამაროველ მუშაობას კი ჩაატარებს მისთვის ჩვეული იარაღით, კომინტერნით. ამ უკანასკნელის აგენტები, მოკალათებული სავაქრო დაწესებულებებში და წარმომადგენლობებში—მეცდებიან აქა იქ არევიდარევის შეტანას, სახელმწიფო ცხოვრების მოშლას

\*) უკანასკნელი ცნობების მიხედვით ეს კავშირი უკვე შეკრულია.

და ირანის ძველ მდგომარეობაში ჩაბრუნებას.

საბჭოების ამ აგრესიულ ზრახვებს თითქმის აადვილებს სპარსეთის ჩრდილო აღმოსავლეთის პროვინციების ეთნოგრაფიული ფერადობა. ჩრდილოეთით ირანის საუკეთესო ნაწილს შეადგენს ევ. წოდ. სპარსული აზერბაიჯანი, სამი მილიონი მცხოვრებით და მდიდარი ბუნებით, რაიც რუსეთისათვის მუდამ სანუკვარ საგანს წარმოადგენდა, მეორეა მეშვედ-შირვან-ბუჯარდ-ასტრბადის ხაზი, სადაც თურქების მოსახლეობა სჭარბობს. და აი ამ ორი უმთავრესი მიმართულებით მოდის რუსეთი. მან ამ მიჯნის ორივე მხარესთან შექმნა: კავკასიაში—ადერბაიჯანის საბჭოთა რესპუბლიკა, ხოლო ქასპის მხარეში კი თურქმენების «სოც. საბ. რესპუბლიკა». აქ რუსეთის პოლიტიკის მთავარი მიზანია ირანის საზღვრებში მოქცეული ადერბაიჯანის და თურქმენულ პროვინციების მცხოვრებლებში გაზარდოს და გააღვივოს ლტოლვა მიჯნის გაღმა არსებულ მოხვედრებითი «დამოუკიდებელ რესპუბლიკები»-სადმი და მით გაიადვილოს აღნიშნულ პროვინციების ირანისაგან ჩამოგლეჯა. ამით აიხსნება ბოლო ხანებში საბჭოების აგენტების სიუსხე განსაკუთრებით ამ რაიონებში. მათი მუშაობის საგანს შეადგენს აქ არა კომუნისტურ იდეების ქადაგი, არამედ მოსახლეობისათვის იმის მტკიცება, რომ ისინი ირანელნი არ არიან, რომ მათი ნამდვილი სამშობლოა ჩრდილოეთით არაქსის გაღმა და აღმოსავლეთით თურქესტანის «სოციალ. რესპუბლიკაში» დევს. ადგილობრივ მკვიდრთაგან ისინი ცდილობენ შექმნან თავისი მომხრე ჯგუფები და მით გზა გაიწაღდონ თეირანისაკენ. ამ მიზნით, ცხადია, საბჭოები შეეცადებიან მოხერხებულად გამოიყენონ რუსეთ ირანის ახლად დადებული ხელშეკრულება, რომელიც მას ნებას აძლევს ირანში იყოლიოს სავაჭრო მისიები და სხვა და სხვა ფირმების წარმომადგენლები. ვაჭრობა და სავაჭრო საქმეები ამათთვის მხოლოდ მოხერხებულ კომუფლია, რის ქვეშ სწარმოებს აშკარა პოლიტიკა და კომუნისტური პროპაგანდა. ამ მხრივ ირანი, რასაკვირველია, ევროპის სხვა ქვეყნებიდან გამონაკლისს არ წარმოადგენს.

მდგომარეობას კიდევ უფრო აართულებს ის გარემოება, რომ ირანი დღეს ახალ ცხოვრების ასპარეზზე გამოსული განიცდის მრეწველობის და წარმოების აღორძინების ყმაწვილურ ხანას, სადაც დაქირავებულ მუშათა რიცხვი დღითი დღე იზრდება, სადაც სოციალური და ეკონომიური ფაქტორები ცხოვრების ყველა კუთხულში მძლავრად იჭრებიან და ობიექტიურად ნიადაგს უქმნიან კომუნისტურ დემაგოგიას. ასეთ პირობებში საბჭოთა კავშირის ირანის საზღვარზე ყოფნა, მისი აგენტების ქვეყანაში მოკალათება სახიფათოა, მეტი რომ არა ვსთქვათ, ერის ნორმალურ განვითარებისათვის.

ამრიგად ირანი უზრუნველყოფილი მიჯნის; და-ცული დასავლეთით და სამხრეთ აღმოსავლეთით—გამიშვლებულია ჩრდილოეთით და ჩრდილო აღმოსავლეთით. ის პირის-პირ დგას ძველი ნაცნობი მტრის წინაშე. ამ მტერმა, მართალია, ფერი იცვალა, მაგრამ კბილები და მადა ძველი შერჩა.

აი ერთადერთი რეალური საგარეო საფრთხე ირანის მომავლისათვის. გვინდა ვირწმუნოთ, რომ ეს ფაქტი სათანადოდ აქვთ გათვალისწინებული ირანის პოლიტიკის მესვერთ. ამის თავდება შაპის ბრძნული პოლიტიკა, რომელიც ცდილობს მჭიდრო კავშირი იქონიოს მოწინავე ქვეყნებთან, რათა დაახლოვეს თავის ქვეყანა მოსალოდნენ სიურპრიზებისაგან.

საბედნიეროდ ბევრია ისეთი ქვეყანა და ხალხი, რომელთა სასიცოცხლო ინტერესი მოითხოვს აზიის ამ ნაწილში მაგარი და ცივილიზაციური ირანის სახელმწიფოს არსებობას.

აი ეს აძლევს იმედს და რწმენას ირანის ყველა მეგობრებს.

X. X.

ვარშავა.

აკადემიკოსი ნიკო მარტი (1864—1934)

(ნიკო მარტის სამეცნიერო მუშაობა და ფეხლით \*)

სამეცნიერო მოღვაწეობა ნიკო მარტისა იწყება 1888 წლიდან, როდესაც მან მოათავსა გაზეთ «ივერია»-ში (№ 88) სტატია: «ბუნება და თვისება ქართული ენისა». შემდეგ ის დიდხანს ამუშავებს სამეცნიერო დისერტაციას, ხოლო სამეცნიერო დისერტაციის დაცვის შემდეგ მისი სამეცნიერო კარიერა უზრუნველყოფილია: 1891 წლიდან ის არის პრივატ-დოცენტი, მერმე გახდა ორდინარული პროფესორი, 1909 წელს აირჩიეს სამეცნიერო აკადემიის ადიუნქტად, ხოლო 1912 წლიდან ნამდვილ წევრად აკადემიისა. ამას დიდი მნიშვნელობა ჰქონდა, ვინაიდან ბრალს შემდეგ ქართულ-სომხურის სპეციალისტი აკადემიაში არ ყოფილა. ესლა მას გახსნილი ჰქონდა ასპარეზი აუარებელი გამოცემა მოეწყო და სამეცნიერო მიზნით მივიღინებანი აედო. ყველა ამ საშვლებით მან ფართოდ ისარგებლა და მისი ტიტანიური მუშაობა გაჩაღდა.

ესლა უფრო მარტის მუშაობა მიმართულია ქართული ლიტერატურის და ენისადმი და ესება იმ მთავარ მიზანს, რომელიც გიმნაზიდან აქვს დასახული, ესე იგი ქართული ენის გამოკვლევას. მაგრამ ქართული ენის გამოკვლევისათვის საჭიროა ქართული მწერლობითი ძეგლების გამოცემა, ცოცხალი მრნათესავი ენების და ეპოქაგების შესწავლა და ამ საგნებისკენ არის მიმართული მისი აბობოქრებული მუშაობა. მან დაარსა მთელი რიგი გამოცემათა, მრავალი სერიები, რომლებშიაც იბეჭდებოდა მისი და მის თანამშრომელთა გამოკვლევანი, მასალები და შრომანი, ასეთებია მაგალითად: 1) ტექსტები და გამოკვლევანი სომხურ-ქართული ფილოლოგიის შესახებ. 12 წიგნი, რომელთა შორის ცხრა

\*) პირველი ნაწილი ამ მოკონებათა (ნიკო მარტი ახალგაზდობაში) დაიბეჭდა გაზეთ «საქართველო»-ში (პირილი და მისი 1935 წ. № 7), ვინაიდან შემდეგი «საქართველო» ს ნომერის გამოსვლა დაგვიანდა, ეს მეორე ნაწილი იბეჭდება «დამ. საქართველოში».



მას ეკუთვნის, 2) Bibliotheca Armeno-Georgica; 3) Monumenta Agiographica Georgica; 4) მასალანი იაფეტური ენათა მეცნიერებისა; 5) საქრისტიანო აღმოსავლეთი (ხრისტიანსკი ვასტოკ), გამოცემულია 18 წიგნი ექვს ტომად; 6) ანისის სერია, გამოცემულია 12 წიგნი, 7) ტექსტები და გამოკვლევანი კავკასიის ფილოლოგიის შესახებ; 8) იაფეტური კრებულის, გამოსულია 1933 წლამდის 7 წიგნი; 9) შრომანი კომისიისა კავკასიის ტომთა შესასწავლად; 10) შრომანი იაფეტური სემინარიისა, და სხვა მრავალი სერიები, განსაკუთრებით ბოლო დროს სხვადასხვა სამეცნიერო აკადემიათა, ინსტიტუტთა, მუზეუმთა, საზოგადოებათა «მომბები»-ს სახით თუ «შრომებით». ამას გარდა ის სტატიებს ბეჭდავდა სამეცნიერო აკადემიის გამოცემებში, საარქეოლოგიო საზოგადოების აზიურ განყოფილების «ზაბისკებში», განათლების სამინისტროს ჟურნალში და სხვა. მისი გამოცემანი და სტატიები სუთასს ნომერს აღემატება, მართლ იაფეტური თეორიის სტატიების ჩამოთვლას მთელი წიგნაკი უჭირავს.

ნ. მარტის გამოცემული ტექსტები სამაგალითოდ ჩაითვლება ჩვენს ლიტერატურაში თავისი სისწორით, კრიტიკულის გარჩევით და ყოველგვარი სამეცნიერო აპარატით, განმარტებით და შენიშვნებით. მაგალითისთვის საკმაოდ დავასახელოთ «აბდულ მესიანი» და «თამარიანი» ქართველ მეხოტბეთა თხუზულებანი, გამოცემა 1902 წ., რომლებშიაც შექლებისამებრ აღდგენილია ტექსტები და ლექსები დაწყობილია გასაგებათ. წინეთ ხომ ეს ლექსები არეული და გაუგებარი იყო უმეტეს შემთხვევაში. მანვე პირველმა გააშუქა, რომ აბდულ მესიანი წარმადგენს დავით აღმაშენებლის ქებას და არა თამარ მეფისა და მით საერო პოეზიის წარმოშობის ეპოქა საქართველოში უკან დასწია თითქმის ერთის საუკუნით, ვიდრე მიღებული იყო. მანვე დამტკიცა, რომ თამარიანი შესდგება 12 განცალკევებული ოდისაგან (ქებისაგან), რომელნიც სხვადასხვა დროს და სხვადასხვა ამბების მიხედვით არის დაწერილი. კიდევ უფრო შესანიშნავი და მნიშვნელოვანია მისი «გრიგოლ ხანტელის ცხოვრების გამოცემა» (1911 წ.), რომელიც მან მოიპოვა ქართულ ჯვარის მონასტრის წიგნთ საცავში, იერუსალიმის მახლობლად, გარდა კრიტიკულად გამოცემული და გარჩეული ტექსტისა და მისი რუსული თარგმანისა, ამ გამოცემას დართული აქვს დღიური მისი მოგზაურობისა შავშეთ-კლარჯეთში, რომელშიდაც დაწვრილებით აწერილია ყველა ის ეკლესია-მონასტრები, რომელნიც მოხსენებულნი არიან ცხოვრებაში, და აგრეთვე სხვანიც, რომელნიც მოიპოებინან შავშეთ-კლარჯეთში, ფოტოგრაფიული სურათებით, წარწერათა გარჩევით და ახსნით. ამას გარდა აქ შეკრებილია მდიდარი ეთნოგრაფიული მასალა, ლექსები, თქმულებანი, სიმღერები, იგავ-არაკები, აგრეთვე ლექსიკური მასალა და სხვა. მეტი რომ არაფერი დაეწერა და გამოეცა მარტს მართლ ეს შრომა ჩაეთვლებოდა დიდ ღვაწლად და დამსახურებად.

ასეთივე დიდი ღირსების არის მისი გამოცემა «სახის მეტყველისა» ქართულ-სომხური ტექსტი რუ-

სული თარგმანით, ლექსიკონით და კრიტიკულის აპარატით (1904 წ.).

ასეთივე არის «იპოლიტეს თარგმანი ქებათა ქებისა»; «იერუსალიმის წარტყვენა სპარსთა მიერ 614 წელს ანტიოქოს სტრატეგოსისა» (1907-1909), თქმულება პირველი ეკლესიის აშენებისა ლუდის ქალაქში (1901 წ.).

კიდევ უფრო ღირსშესანიშნავია მისი გამოკვლევა რუსთაველის ვეფხის ტყაოსნის შესავლისა და ბოლო-სიტყვაობისა (1910 წ.). სხვების ჩამოთვლა შორს წაგვიყვანს.

მარტი გრიგალია თავის მუშაობაში, ის მუდამ ღელავს, ემზადება თუ ლექციისათვის, ან მოხსენებისათვის, ან გამოდის ოპონენტად დისერტაციის დაცვის დროს, ის ყოველთვის უაღრესად მომზადებულია და ამიტომ დიდის რისხით იცავს თავის პოზიციას. მაღლობა ღმერთსა, რომ ხალატიანცის დისერტაციას მოვრჩითო, ერთხელ მითხრა მისმა მეუღლემ, ნიკო ისე ღელავდა, რომ 15 დღე არ უძინაო. როგორ არ უნდა ავღელებულეყავიო, განაგრძო ცოლის სიტყვები მარტმა, ძნელ მდგომარეობაში ჩავვარდი, არ მიმეცა ხარისხი არ შეიძლებოდა, ნამუშევარი ჰქონდა, მაგრამ მასთან ცხადი იყო ჩემთვის, რომ შრომა ერთობ სუსტობდა. ასე აბუჩად ავღება მისე ქორწინლისა ყოველად დაუშვებელია (პროფესორი ხალატიანი გაიტაცა კარიერის კრიტიკამ მისე ქორწინლისა და უარყოფით კრიტიკაში კარიერს გადააქარბა), ისე ხომ ვერ მოვიტყვევდი, როგორც პროფესორი კორში მოიტყაო. ის ჩემს მერე გამოვიდა და ასე დაიწყო თავის ქათინაურები: მე დღეს უაღრესად ბედნიერი ვარ, რომ ჩემა შევიტრდმა ასეთი შესანიშნავი და ფასადუდებელი შრომა წარმოვიდგინაო და სხვა. მერმე ჩემთან სადილოთ იყო და ვკითხეო, მართლა ასე მოგწონთ ხალანთიანის შრომაო? მიკვირს თქვენი საქმე, ნიკო იაკობის ძევე, მითხრაო, თქვენ სომხიდან ელით მეცნიერულ შრომასაო, სომხს არშინი უნდა მისცეთ ხელშიო, და თუ ვინმე მათგანი შეეცდება მეცნიერებაში იმუშაოს, უნდა მოუწონოთ, თორემ გაიქცევა და დუქანს განსნისო. ამის შემდეგ მარტი კორშის სახელს მკაცრი ეპიტეტით იგონებდა ხოლმე.

მეტადრე ღელავდა მარტი, როდესაც თავის შევიტრდების შრომებს არჩევდა. აქაც პარიზში, როდესაც ლექცია წაგვიკითხა: «ქართველი ერის კულტურული შუბლი», მისმა მეუღლემ მითხრა. სამ დღეს არ უძინაო. ასე ყურადღებით ექცეოდა ნიკო მარტი ყველა თავის ლექციებს და მოხსენებებს. ყოველთვის ატოკებული და აწეული იყო ნიკო მარტის ბუნება, როდესაც ის მოხსენებას აკეთებდა, თუ ლექციას კითხულობდა. მაგრამ «წინასწარ საეკლესიო კრებაზე», სადაც საქართველოს ავტოკეფალიის საკითხი ირჩეოდა, ის ხომ ცეცხლს და მესს აყრიდა თავზედ უხერც რუსების ამხედრებულ საეკლესიო წარმომადგენლებს, რომელნიც ლამობდნენ განქიქებინათ ისტორიული როლი ქართული ეკლესიისა, მისი ავტოკეფალობა და მნიშვნელობა საქრისტიანო მსოფლიოში. კრებას დაესწრენ ჩვენი ეპისკოპოსები, ლეონიდი და კირიონი,



მაგრამ ამათ ნაკლებათ იცოდენ ისტორია ჩვენი ეკლესიისა. მე თვითონ ლეონიდ ეპისკოპოსიდან გავიგონე: «ჩვენ ორი ეპისკოპოსი ნ. მარტა შეგვიჯდინა მხარზე და ისე გამოვიყვანა განსაცდელისაგან და რუსების თავდასხმისაგან». დიდი მნიშვნელობა ჰქონდა რასაკვირვლია, პროფ. ა. ცაგარელის დასწრებასაც. მას ბევრი ნაშრომი ჰქონდა ჩვენი ეკლესიის ავტოკეფალობის საკითხში, მისი წიგნი ამის შესახებ საუკეთესო შრომაა, მაგრამ ტრიუმფი ქართულ ეკლესიას ამ კრებაზე ნ. მარტა შეუქმნა თავის რიხიანი გამოსვლებით, ღრმა ცოდნით და უამრავი ფაქტების მოყვანით ჩვენი ეკლესიის თვითმართვლობისა და მისი მამების უაღრესად განათლებული მოღვაწეობის აღწერებით.

ერთმა ცნობილმა და ყველაზე სინდისიერმა პროფესორმა, ლიტურგისტმა (გვარი აღარ მახსოვს, კრების წიგნი ხელთ არ მაქვს) შენიშნა მარტის დიდებული მოხსენების გამო: ვმადლოდ ღმერთს, რომ ეს კრება მოხდა, უამრავი ასეთ დიდებულს და შესანიშნავ მოხსენებებს ხომ ვერ მოვიხმენდითო! ასეთივე შესანიშნავი არის მარტის წიგნაკი ვასტორგოვის წინააღმდეგ, რომელშიაც მიწასთან გასწორებულია უფიცობა უტყუარის ფაქტებით რუსის თავზე დიკანოზისა.

როდესაც ტფილისში კანაკებმა ერთხელ რუსის ეგზარქოსის განკარგულებით მათრახებით გარევეს საეკლესიო საქმეებზე შეკრებილი ქართველი მღვდლები სემინარიის დარბაზიდან, ნ. მარტი იმ დროს იქვე მანობლად, სასტუმრო «სევერნი ნომრებში» იყო, როცა ეს გაიგო გიჟივით გამოვარდა გარეთ და ყვირილით გაეშურა კანაკებისაკენ, როგორ ბედავენ ეგ ბარბაროსები უძველესი ეკლესიის ქრისტიანი მამების შეურაცხყოფას! და სხვა. ძლივს დააკავეს და სასტუმროში დააბრუნეს.

მარტმა მოსწრებული პასუხი იცოდა თავის ოპონენტებისადმი. როდესაც მან იაფეტელების მოსახლეობა მთელს ხმელთა შუა ზღვის ნაპირებს მოსდვა, ერთ კრებაზე ჰკითხეს: სად იწყება და სად თავდება ეს თქვენი იაფეტელები? მარტმა უპასუხა: ჯერ მითხარით, სად იწყება და სად თავდება სიმრგვლეო!

იშვიათია მეცნიერი, რომელსაც იმდენი ემოჯანაურს, როგორც მარტს, ამ მოგზაურობაში ჰკრებს ის მასალას თავის იაფეტური თეორიისათვის და სწავლულობს სხვადასხვა ხალხთა ენებს, ეცნობა მატერიალურ და სულიერ კულტურის წყაროებს და ნაშთებს. მისი ნიჭი ამ შემთხვევაში საოცარია, ის ადვილად ერკვევა ენის სტრუქტურაში, რამოდენიმე კვირის შემდეგ მას შეთვისებული აქვს ამ ენის გრამატიკა, ჩაწერილი აქვს ტექსტები და უშვალოდ ელაპარაკება მცხოვრებთ. ამ მოგზაურობათა წიადში, ცოცხალ ხალხებთან კავშირში, აქვს მას შექმნილი, როგორც თვითონ ამბობს, თავის თეზისები, თავისი იაფეტური თეორია და არა კაბინეტში ჯდომით.

ნ. მარტი არ არის განცალკევებული მეცნიერი, ის შემქნელია კავკასიის შესწავლის პეტროგრაფის სკოლისა, რომელსაც მიზნათ აქვს დასახული კავკა-

სიის გამოკვლევა ყოვლის მხრით, ლინგვისტიურად, ისტორიულად და კულტურულად. დიდი შრომა აქვს გაწეული მას ამ სკოლის შექმნაში და ხელმძღვანელობაში, მაგრამ მიღწევებიც დიდი, აუარებელი ტექსტები და მასალებია გამოცემული. აუარებელი საკითხები და პრობლემები გაშუქებულია, ბევრი ახალი წამოყენებულია და რიგშია დასმული. საკმარისია დავასახელოთ რა არის ვაკეთებული ქართული ენის და მისი მონათესავე ენების და კილოკავების შესწავლაში. მან მოგვცა ჯერ ძირითადი ტარტული ქართულის ზმნებისა, გრამატიკა ძველი ქართული ენისა რუსულ ენაზე დაწერილი, ასეთივე გრამატიკა ახლად გადამუშავებული ფრანგულ ენაზე ბრიერის მონაწილეობით, ქრისტომატიით და ლექსიკონით, ეს კაპიტალური შრომა სამუდამოდ დარჩება ქუაკუთხედათ ქართული ენის შესწავლის ევროპიელთა მიერ და უსათუოდ ბევრ მეცნიერს შესძენს ამიერიდან ქართულ ენას. ასეთივე დიდი ღირსების არის მისი გრამატიკა და ქრისტომატიკა ლაზური ენისა (1910 წ.); მეგრული ენის გრამატიკა და ქრისტომატიკა ალ. ყიფშიძისა მისი ხელმძღვანელობით გამოცემულია, მასვე აქვს შედგენილი გრამატიკა და ქრისტომატიკა სვანური ენისა, როგორც თვითონ ამბობს თავის მოხსენებაში, და თუმცა მათი გამოცემა დაგვიანდა, მაგრამ მას ბევრი სტატიები აქვს სვანური ენის შესახებ დაბეჭდილი და მისი თაოსნობით გამოცემულია ბევრი მასალა ამ ენის შესასწავლად. ასეთივე ნაყოფიერია მისი შრომანი და სტატიები აფხაზური ენის შესწავლის საქმეში, რომელსაც მან უძღვნა ათზე მეტი სტატია, გამოსცა ლექსიკონი, ანბანი და სხვა; მისივე თაოსნობით არის დაწყებული კავკასიის მთიულების კილოკავების შესწავლა პროფ. შანიძის მიერ. მარტი სამჯერ მიემგზავრება დაღესტანში დაღესტნის ენების შესასწავლად, სამჯერ იყო სვანეთშიაც, რამოდენიმეჯერ აფხაზეთში, სამეგრელოში, ლაზისტანში, სომხეთში და სხვა ადგილებში.

მარტმა გააშუქა ზოგიერთი საკითხი ძველი ქართული ტექსტების კითხვისა, მაგალითად ასო «ლ»-ს სიტყვის ბოლოში ჩვენ წინეთ ენად ვკითხულობდით, მან დაამტკიცა, რომ ლ დიფტონგია და უდრის ე-ს, მაგალითად სიტყვა ქრისტე უნდა წავიკითხოთ როგორც ქრისტეა, ხს როგორც ხეა და სხვა. აგრეთვე შემოკლებულ სიტყვას რა ჩვენ ვკითხულობდით როგორც «რათა», ხოლო მარტმა გვიჩვენა, რომ ძველად ეს იკითხებოდა, როგორც «რათა» და ასეთი ცნოველი მაგალითი ჩვენ გვაქვს არა თუ უძველეს დროისთვის არამედ მე-17 საუკუნეშიც ზოგიერთ ეპიგრაფიულ წარწერებში.

დიდი ღვაწლი მიუძღვის ნ. მარტს კავკასიის არქეოლოგიაშიც. პირველად მან თხრა დაიწყო ბორჩალოს მარაში, იქ სადაც წინეთ ფრანგი დემორგანი მუშაობდა, და სადაც მოიპოება აუარებელი სა-

\*) ბ-ნ ი. მეგრელიძის სტატიიდან ვტყობილობთ («მნათობი», 1933 წ. № 8-9, გვ. 264), რომ დაწყებული ყოფილა ბეჭდვა რუსულ-ქართული ლექსიკონისა და სვანური ენის ქრისტომატიისა ლექსიკონითურთ.



საფლავები ძველი ბრინჯაოს ხანისა, შემდეგ მარბრი იწყებს არქეოლოგიურ გათხრას ძველი ანისის ქალაქის ნანგრევებისა, 1892 წელს და შემდეგ განაგრძობს ყოველ ზაფხულს 1904 წლიდან 1917 წლამდის, აქ აღმოჩენილი მრავალ რიცხოვან ძეგლებს უძღვნის ანისის სერისას, რომელიც შეიცავს 12 წიგნს, სხვათა შორის აქ იყო აღმოჩენილი უდიდესი ქართული წარწერა ეპიფანე კათალიკოსისა 1218 წლისა, რომელსაც ეჭირა მთელი კედელი ტაძრისა და ეს კედელი გადატანილი იყო ანისის მუზეუმში, მეორე ეკლესიის ქართულ წარწერას პროფ. ივანე ჯავახიშვილი ამხადებდა გამოსაცემად, მაგრამ ვგონებ ჯერ არ გამოუცია. მესამე ერთი საუკეთესო ქართული ტაძრის წარწერა ტიგრან-პონენცისა წინათაც ცნობილი იყო. სამწუხაროდ აუარებელი მასალა ანისის ქალაქის გათხრისა, შედეგი 15 წლის მუშაობისა, როგორც იყო დღიურები გათხრისა, ფოტოგრაფიის ნეგატივები ძეგლებისა და წარწერებისა, ნახატები და ნახაზები და სხვა გამოგზავნილი პეტროგრადიდან ტფილისის არქეოლოგიურ ინსტიტუტში რევოლუციის დროს სულ ერთიანად დაიღუპა გზაში. ზოგიერთი ნივთები და ბიბლიოთეკა ანისის მუზეუმისა გამოიტანეს ჩემ მიერ გაგზავნილმა არქეოლოგიურ ინსტიტუტის წევრმა დ. გარდევმა და ბ-მა ლორის-კალანთარმა მანამ თათრები დაიკავებდნენ ამ მხარეს. გარდა ანისის ძეგლებისა მარბრმა შეისწავლა და გამოსცა აღწერილობა ბევრი სომხური ძველი ეკლესიებისა.

ქართულ არქეოლოგიაში უდიდესი მნიშვნელობა აქვს მის მოგზაურობას შავშეთ-კლარჯეთში. დღიური ამ მოგზაურობისა, როგორც მოვიხსენიეთ, დართული აქვს მის გრიგოლ ხანცთელის გამოცემას, რომელშიაც აღწერილია დაწვრილებით ამ მხარის მრავალ რიცხოვანი ძეგლები და შემკობილია ფოტოგრაფიული სურათებით.

დიდი ღვაწლი მიუძღვის ნ. მარბრს აგრეთვე ქალღურთ წარწერების აღმოჩენაში, შეგროვებაში და შესწავლაში, რამაც გააშუქა ძველის ძველი ისტორია წინა აზიისა. განსაკუთრებით საყურადღებოა მისი და ი. ორბელის ექსპედიცია ვანში 1916 წელს, რომლის დროს აღმოჩენილ იქმნა ყველა ცნობილ ქალღურ წარწერათა უდიდესი წარწერა ქალღელთ მეფის სარდურ მეორისა, მერვე საუკუნისა ქრისტეს წინ, რომელშიაც აწერილია მისი ომები აღმოსავლეთით, დასავლეთით და ჩრდილოეთით ვანის სამეფოსა.

უდიდესი მნიშვნელობა აქვს ჩვენი ძველი მწიგნობრული ლიტერატურის შესასწავლად მარბრის მოგზაურობას სინას მთაზე, იერუსალიმში და ათონზე 1902 წ. სინას მთაზე მასთან იყო ერთად ჩვენი სახელგანთ პროფ. ივ. ჯავახიშვილი. ამ მოგზაურობის დროს შეკრებილი და გადმოწერილი ძეგლები ჯერ გამოუქვეყნებელია, ხოლო სულ მცირე ნაწილია გამოცემული, და ეს მით უფრო სამწუხაროა, რომ როგორც ჩანს წინასწარი მოხსენებიდან ეს მასალა პირველ ხარისხოვანია ჩვენი ძველი ლიტერატურის შესასწავლად. ამ მასალის გამოცემა პირველ რიგში უნდა დაისახონ მარბრის მოწაფეებმა და პატივცემულმა

ივ. ჯავახიშვილმა<sup>\*)</sup>. ამ მოგზაურობის ნაყოფი იყო გრიგოლ ხანცთელის ცხოვრების გამოცემა, ჯვარის მამის აღაპებისა და გრიგოლ სომენთა განმანათლებლის არაბული ვერსიის გამოცემაც.

(დასასრული შემდეგ ნომერში)

ექ. თაყაიშვილი.

ინტელიგენციის გზები

«ბევრს დღევანდელ ამბავს კარგად გავიგებთ, თუ გავეცნობით ინგლისის სტრატეგიას ანლობელ აღმოსავლეთში», ასე იწყებს თავის საინტერესო წერილს ცნობილი ჟურნალისტი რენე ლაბრიუერი<sup>\*\*)</sup>. მე-17 საუკ. დაწყებული დიდი ბრიტანეთის პოლიტიკა მიმართული იყო იმისკენ, რომ უზრუნველ ეყო ინდოეთის გზა, ე. ი. ურთიერთობა ინგლისისა მის კალონიებთან. ამ ნიადაგზე საფრანგეთსა და ინგლის შორის პირველად რამდენსამე ინცინდენტს ჰქონდა ადგილი, მაგრამ მერე მათი მორიგება მოხდა—ინგლისმა თავისუფლება მიიღო ეგვიპტეში, მეწამულ (წითელ) ზღვაზე, არაბეთსა, პალესტინასა და ტრანსორდანიამში, ხოლო საფრანგეთმა—მაროკო და ინგლისის თანამშრომლობა დიდ ომში.

ვიდრე სუეცის არხი იქნებოდა გაჭრილი, ინდოეთის გზას აფრიკის ირგვლივ უნდა შემოევიღო და გემებისთვის საჭირო არ იყო სადმე ნავთსადგურებში შესვლა. მაგრამ საფრანგეთის აღმირალის სუფრენის მოქმედებამ 1781 წ. დააწმუნა ინგლისი, რომ ზოგიერთ შემთხვევაში ინდოეთის გზისთვის აუცილებელი იყო დასაყრდნობი პუნქტები. ამიტომ 1795 წ. წაართვა ჰოლანდიელებს სამხრეთ აფრიკაში კაპი და იქ გამართა რამდენიმე ნავთსადგური. ამავე მიზნით მერმე შეიძინა წმ. ელენეს კუნძული ატლანტიკის ოკეანეში, სამხრეთ აფრიკის დასავლეთით, და მავრიკის კუნძული ინდოეთის ოკეანეში, მადაგასკარის აღმოსავლეთით. არც თუ ხმელთაშუა ზღვა დაუტოვებია უყურადღებოდ: მე-18 საუკ. დასაწყისიდან ხელში ჩაიგდო გიბრალტარი, რომელიც საუცხოვოდ ვაამაგრა და დღეს ისე აქვს მოწყობილი, რომ თითქმის სრულიად დაცულია საპაერო თავდასხმისაგანაც. მის ხელთაა ზღრუთვე მალტის და კვიპროსის კუნძულები, თუმცა პირველი არაა მთლად უზრუნველყოფილი შემოტენისაგან სიცილიის მხრით. ყველაფერს ამას არ დასჯერდა და 1839 წ. იამანთან (არაბეთი) დადებულ ხელშეკრულებით შეიძინა ადენი, სადაც საუკეთესოდ მოწყობილი სიმაგრენი ააგო.

ინდოეთის გზას აფრიკის ირგვლივ, კაპთან გავლით, დღესაც უდიდესი მნიშვნელობა აქვს ინგლისისათვის, თუ ვინცობაა რაიმე ვართულება მოხდა ხმელთაშუა ზღვაზე.

\*) იმავე ი. მეგრელიძის სტატიიდან, რომელიც ზემოთ უჩვენეთ, ვტყობილობთ, რომ ტექსტი «სინასის კრებულისა» უკვე დაბეჭდილი ყოფილა, მაგრამ გამოვიდა თუ არა, არ ვიცი.

\*\*) Revue de deux mondes. 1935 წ. I დეკემბერი.



სუეცის არხის გაჭრის შემდეგ ინგლისის მთელი ყურადღება ეგვიპტეზე იქნა მიქცეული. თუმცადა არ დაიპყრო, მაგრამ ეგვიპტეს მთავარი ძარღვები მის ხელთაა და იქ ბატონობს მილიტარულად. ამასთანავე ინგლისი სრული ბატონ-პატრონია სუდანის და ნილოსის სათავეების, რის გამოც ეგვიპტეს მთელი კეთილდღეობა დამოკიდებულია მისგან. ამ ბატონობის განსამტკიცებლად ინგლისს ეთიოპიასთანაც აქვს შეთანხმება ნილოსის სათავეების შესახებ.

ასეთია ინდოეთის გზების ბაზები. ხოლო ბაზებს იმდენად აქვს მნიშვნელობა, რამდენად არსებობს ფლოტი. ინგლისის ფლოტი კი ყველასაზე უძლიერესია მთელ დედამიწაზე. დიდ ომამდე მისი სიძლიერე ასე გამოიხატებოდა: ინგლისის ფლოტი შეიცავდა 2.175.000 ტონს წინამდებე შეერთებულ შტატების 866 ათასის, საფრანგეთის 755 ათასის, იაპონიის 550 ათასის და იტალიის 423 ათასისა. ინგლისის ფლოტი აღემატებოდა საფრანგეთის, გერმანიის და იტალიის შეერთებულს ფლოტს. მაგრამ გერმანიის ფლოტი დიდის სისწრაფით იზრდებოდა და ეს იყო ერთი მთავარ მიზეზთაგანი, რომ ინგლისი წასულ ომში ჩაერია.

1930 წ. ლონდონის კონფერენციამ ეს მდგომარეობა ასე შესცვალა: ინგლისს მიენიჭა 30,5 პროც. (ნაცვლად 1914 წ. 45,5), შეერთებულ შტატებს 30,6 (ნაცვლად 18,4), იაპონიას 18,4 (ნაცვლად 11,5), საფრანგეთს 10,20 (ნაცვლად 15,8), იტალიას 10,20 (ნაცვლად 8,8). ეს პროპორცია შემდეგ არ შეცვლილა თვალსაჩინოდ. უნდა დავასკვნათ, რომ ინგლისმა დაკარგა კანტროლი დასავლეთ ატლანტიკაში, შორეულ აღმოსავლეთში და პაციფიკზე. სამაგიეროდ ინგლისს მიემატა სიძლიერე ჩრდილო ზღვაში, რადგან გერმანიის ფლოტის ტონაჟი შემცირდა 105.000 ტონამდე. ხოლო საფრანგეთ-იტალიის ფლოტთან შედარებით ინგლისის ფლოტი-იტალიის ფლოტთან შედარებით 45 წინამდებე 19, დღეს იგია 30,6 წინამდებე 20,4. ერთი სიტყვით, ინგლის-გერმანიის საზღვაო შეთანხმებამდე ინგლისის ფლოტის დანაკლისი უდრიდა 15 პროც.

ინგლისის ყოველთვის აშინებდა საფრანგეთ იტალიის შეთანხმება, თავის პოლიტიკას მათ ქიშპობაზე ამყარებდა და ხელს უწყობდა იტალიის ფლოტის აღორძინებას. როცა იტალია და საფრანგეთი მორიგდენ და მათი ძალები გაერთიანდენ ხმელთაშუა ზღვაზე, ინგლისი გერმანიას შეუთანხმდა, საზღვაო ხელშეკრულობის დადებით, რომ ამით ნაწილი საფრანგეთის ფლოტისა ჩრდილოეთით ყოფილიყო დაბანდებული გერმანიის საფრთხის გამო.

თუმცა დღეს დღეობით ინგლისის ფლოტი ტონაჟით აღემატება საფრანგეთის, იტალიის და გერმანიისას (ეს არ გაგრძელდება დიდ ხანს, თუ მხედველობაში მივიღებთ გერმანიის ფლოტის წარდას), ხოლო თუ ავიღებთ გემების კათეგორიებს, პროპორცია იგივე არ იქნება. ინგლისის მსხვილი ფლოტი შესდგება 15 ხაზის დიდი გემისაგან, რომელთაგან სამი აშენებულია 1927 წ. ამ ჯავშნოსნების დასაპირისპირებლად ევროპის სხვა ფლოტებს არა მოეპოვებათ რა. საფრანგეთს სამი მოდერნული გემი აქვს,

22 ათას ტონიანი, რომლებიც ინგლისის უმცირეს ჯავშნოსნებზე (31 ათას ტონ.) დაბლა დგანან. იტალიას 4 ძველი ჯავშნოსანი მოეპოვება. გერმანიის «დოიჩლანდებს» (ახალი ტიპის კრეისერებია) არ შეუძლიათ გაუმავდონ ინგლისის ჯავშნოსნებს. მაგრამ რაც შეეხება კრეისერებს, «ა» კლასის ინგლისს აქვს 13 წინამდებე საფრანგეთის და იტალიის 14, «ბ» კლასის ინგლისს აქვს 17, საფრანგეთს—იტალიას—გერმანიას 6+7+6=19. დაბალი ადგილი უკავია ინგლისს თავის კონტრ-ნაღმოსნებით და განსაკუთრებით წყალქვეშა ნავებით: ინგლისის წყალქვეშა ნავების რიცხვია 43, საფრანგეთის 72, იტალიის 43.

ამგვარად ირკვევა, რომ თუ ინგლისს უპირატესობა ეკუთვნის მსხვილი გემებით, დანარჩენებით ჩამოქვეითებულია. მისი უპირატესობა კიდევ უფრო შეთხველდება, როცა საფრანგეთი, იტალია და გერმანია დაასრულებენ თავის მსხვილი ერთეულების შენებას, რომელიც დაწყებული აქვთ. ეს გარემოება აიძულებს ინგლისს ინდოეთის გზების დასაცავად, განსაკუთრებით ხმელთაშუა ზღვაზე, ვინმე მოკავშირე იშოვნოს. როცა ბალდუინმა განაცხადა, ჩვენი საზღვაო რეინზე არისო, ის მაშინ ჰგულისხმობდა ალბად საფრანგეთის ფლოტის დახმარებას ხმელთაშუა ზღვაზე.

თუ ინგლისის ფლოტს კერძოდ იტალიისას შევადარებთ, ყოველად აშკარაა პირველის სრული უპირატესობა. ინგლისის ჯავშნოსნებს შეუძლიათ კანონი დაადგინონ ხმელთაშუა ზღვაზე. ხოლო მათ ერთი დიდი მტერი ყავთ. ხმელთაშუა ზღვის რომელიმე სახელმწიფოს მრავალრიცხოვან წყალქვეშა ნავები დიდს ზიანს მიაყენებენ როგორც ინგლისის ვაჭრობას, ისე მის ჯავშნოსნებს. ამიტომაც, რომ ინგლისი ყოველთვის მოითხოვდა და დღესაც მოითხოვს წყალქვეშა ნავების სრულს აღკვეთას.

უეჭველია, წყალქვეშა ნავები უდიდეს საფრთხეს ქმნიან ინდოეთის გზებისთვის. ხოლო ინგლისს ახლა კიდევ უფრო მეტად აღონებს ავიაციის გაჩენა, რომელმაც ერთიან შეატრიალა ინდოეთის გზების საკითხი. საკომერციო საჰაერო მიმოსვლა ინგლის-ინდოეთს შორის საკმაოდ კარგადაა მოწყობილი, მრავალი მანქანა მუშაობს რეგულარულად და მალე თვითეულ ავიონს ასამდე მგზავრის გადაყვანა შეეძლება (ეს რიცხვი უდრის გემის პირველი კლასის მგზავრთა რიცხვს). განზრახულია პიდრავიონების გამოყენება ინდოეთის გზისთვის და დიდ ბრიტანეთის მთავრობას უნდა ამ საქმისთვის ისარგებლოს საფრანგეთის მდინარეები. მაგრამ მთავარ ყურადღებას აქცევს წმინდა ინგლისურ ხაზს—გიბრალტარით და ხმელთაშუა ზღვით.

საჰაერო გზა აღმოსავლეთში ორ ტოტად არის გაყოფილი: ერთია პაიფაზე, ტრანს იორდანიაში, მეორე ქაირო—კაბზე, რომელიც სარგებლობს ნილოსს და აფრიკის დიდ ტბებს. ამიტომ იყო, რომ ინგლისმა დაიკავა გერმანელთა კალონია აღმოსავლეთ აფრიკაში. რომელიც მას გზას უჭირდა ნიასას ტბაზე. ამ ორს საკომერციო საჰაერო გზას დღითი დღე უფრო და უფრო მეტი მნიშვნელობა ეძლევა.

ავიონების გაჩენამ უდიდესი რევოლუცია მოახ-



დინა და ინგლისის პოლიტიკის ღერძი ხმელთაშუა ზღვიდან აღმოსავლეთისკენ გადაიტანა. მალტს, რომელიც იტალიის საჰაერო ბაზების მასობრივად მდებარეობს, დაეკარგა უმეტესი წილი თავის ცენტრალურ პოზიციის ღირებულებისა. ინგლისმა სამაგიერო ახლობელ აღმოსავლეთში მოიპოვა. ახლა ინდოეთთან კავშირის მთავარი პუნქტებია ჰაიფა სუეცი, ალექსანდრია-ქაირო. თუ გემები ვეღარ ისარგებლებენ ხმელთაშუა ზღვას და იძულებულნი გახდებიან აფრიკას შემოუარონ, ინგლისს უნდა, რომ რაღაც არ უნდა დაუჯდეს, თავისუფალი საჰაერო მიმოსვლა ჰქონდეს. ამ მიზნით მოჰყვინა ეგვიპტე და სუდანი ჰაეროდრომებით, მოაწყო პალესტინა, ტრანსიორდანი და სინაი. სინაის ნახევარკუნძული და ტრანსიორდანი-მეწამული ზღვის სამხედრო სისტემა წარმოადგენს ეგვიპტის სისტემის დასრულებას. პალესტინაში, აგრეთვე ერაყში ინგლისმა შექმნა ბევრი ჰაეროდრომი და საჰაერო ორგანიზაცია. რაც შეეხება ჰაიფას და აკაბას სანავოსნო ბაზებს, განზრახულია აგება იქ მიუდგომ და აულებელ სიმაგრეებისა. საჰაეროების დროს ჰაიფა-აკაბას ხაზმა უნდა გასწიოს პორტსაიდ-სუეცის ხაზის მაგიერობა როგორც სამხედრო მიხედვისთვის, ისე საკომერციო მოთხოვნისთვის.

თითქოს ამ საჰაერო გზების ექსპლუატაციისთვის ინგლისმა ჰპოვა ნავთის მდიდარი საბადოები ერაყში და მოსულში. ნავთსადენი გამოყვანილია ჰაიფამდე და სათანადო დაწესებულებანია შექმნილი ბასორაში. ეს ბაზა, აკაბა და სუეცი წარმოადგენენ იმ სამ თათს, რომლებით ინგლისი ჩაეჭიდა ახლობელ აღმოსავლეთს და რომელთა საშუალებით ინდოეთს უკავშირებს დასავლეთის ქვეყნებს.

უნდა ითქვას აქვე, რომ თუ ინგლისის ფლოტი კვლავ ძლიერია, ეს არ შეიძლება ითქვას მის ავიაციასზე. 1935 წ. სტატისტიკით ინგლისის ავიონების რაოდენობა 1.050 იყო წინამდებ იტალიის 1.200. ხოლო ინგლისი მოსწრაფებით ცდილობს ეს ნაკლი გამოასწოროს.

დავუკავშიროთ ახლა ყველაფერი ზემოდ ნათქვამი იმ ამბებს, რაც ეთიოპიაში ხდება. ავილოთ ხელში გეოგრაფიული ქარტა და გადავავლოთ თვალს ალექსანდრიის სამხრეთით მდებარე ადგილებს: ხმელთაშუა ზღვის ცენტრალური გზა განიყოფება სამ შტოდ 1)სახლვაო გზა სუეცი, მეწამული ზღვა და ადენის ყურე, 2)საჰაერო გზა და აგრეთვე სამდინარეო —ალექსანდრია და კაბი, და 3)საჰაერო გზა ჰაიფა და სპარსეთის ყურე ან სახლვაო ჰაიფა, აკაბა და მეწამული ზღვა. ეთიოპია წარმოადგენს ერთს დიდს ციხესიმაგრეს ინგლისის იმპერიის სასიცოცხლო არტერიების წინამდებ, ციხეს, რომელიც ბატონობს ერთის მხრით მეწამულ ზღვას და მეორე მხრით ზემო ნილოსის ველებს. თუ წარმოვიდგენთ ავიაციის სწრაფ განვითარებას, რომ მფრინავები მალე შესძლებენ საათში 600 კილომეტრის გავლას, მაშინ ადვილად მივხვდებით, თუ რა უაღრესი სტრატეგიული მნიშვნელობა ეძლევა იმ ორ ათასი კილომეტრის ჰაეროდრომს, როგორც შეიძლება გახდეს ეთიოპია. სახელმწიფო, რომელიც ეთიოპიას დაეპა-

ტრუნება, ადვილად მოახერხებს ყოველი მიმოსვლა შეაჩეროს მეწამულ ზღვიდან, ნილოსიდან, უგანდაზე (ინგლისის სუდანი), და მის თავდასხმებს ვერავინ წინააღმდეგება. ინგლისს განსაკუთრებით აშინებს, რომ ასეთ სახელმწიფოდ არ გახდეს იტალია, რომელსაც ხელში უკავია სიცილიის სრუტე, რომელიც ჰვლობს როდოსის კუნძულს პირისპირ კვიპროსისა და დამკვიდრებულია ლიბიასა და კირენაიკაში. იმ სიმაგრეებმა, რომელიც ააგო იტალიამ მასსაუაში (ერიტრეა) და მეწამული ზღვის გასწვრივ, უკვე საკმაოდ შეასუსტეს ადენის მნიშვნელობა. ამგვარად იტალია სამ ალაგას უახლოვდება ინდოეთის გზებს —მალტს, სუეცს და ბაბ ელ მანდების სრუტეს (ეს სრუტე აერთებს მეწამულ ზღვას და ინდოეთის ოკეანეს). იტალიელები ზომიერი მოთხოვნების და ნაყოფიერი ხალხია და შეუძლიათ მალე მრავალრიცხოვანი კალონია შექმნან ეთიოპიაში. ეს კალონია ადვილობრივ მკვიდრთა დანხარებით თვალსაჩინო ძალა გახდება და გავლენას იქონიებს გარშემო მდებარე ადგილებზე, რომელთაც ავიონების საშუალებით 2-3 საათში მიწვდება. საქმეს ართულებს კიდევ ის გარემოება, რომ ცისფერ ნილოსის და ზოგ მის შემდინარეს სათავეები ეთიოპიაშია (ციხფერი ნილოსი ტიანის ტბიდან მოდის) და ვინც ეთიოპიაში იბატონებს, დიდი უბედურება შეუძლია დაატყოს თავს ინგლისის სუდანს და ეგვიპტეს. სუდანს ნილოსი რწყავს, ეგვიპტეს ნილოსით უდგია სული და ნილოსის წყალთა რაოდენობის შემცირება პირდაპირ კატასტროფიული იქნებოდა.

უცხოეთის მიმოხილვა

7 მარტი.

7 მარტი, ცოტა დააკლდა, რაღმე საბედისწერო, დასავლეთის გამანადგურებელ თარიღად არ იქცა. ჰიტლერის გერმანიის ჯარების რეინის განიარაღებულ ზონაში შესვლა ნამდვილი სიგნალი იყო, რომ მას მოყოლოდა საფრანგეთის ჯარების მობილიზაცია და აქედან, ვიცით, რა იქნებოდა შედეგი. როცა დაობენ პიროვნების როლზე ისტორიაში, მზგავსი შემთხვევა გადამჭრელია, როგორც მაგალითი. პრემიერი სარო რომ აყოლოდა კანცლერ ჰიტლერის ეესტს; ცხადია, კატასტროფა გარდაუვალი გახდებოდა. სარო არ აყვა და ეს კიდევ უფრო ამაღლებს მის როლს, რადგან მან ალო აულო თავის ერის, ისე როგორც ლოკარნოს მონაწილეთა სამშვიდობო სულისკვეთებას. იტალია-ეთიოპიის ომმაც ითამაშა ერთგვარი დადებითი როლი, რადგან იტალიას, ლოკარნოს ერთ-ერთ მონაწილეს, არ ეცალა ვეროპისთვის.

იურიდული კამათი იმაზე, არღვევს თუ არა რუს-ფრანგთა პაქტი ლოკარნოს, კარგავს თავის ადრინდელ მნიშვნელობას შედარებით იმასთან, რომ ჰიტლერმა სწორეთ ამ პაქტის რატიფიკაცია გამოიყენა, როგორც მთავარი საბუთი თავის ეესტის რეინში. როცა ის აცხადებს, რომ რუს-ფრანგთა პაქტი მიმართულია გერმანიის წინამდებო, თქვენ შე-

გიძლიათ იურიდიული თვალსაზრისით შეეცილოთ ამ განცხადებას, მაგრამ ვერას გზით ვერ უარყოფთ, რომ იგი არის უაღრეს პოლიტიკურ მნიშვნელობისა. მართლაც, გერმანიის უარყოფით პოზიციას მოსკოვის მიმართ სათანადო ანგარიში არ გაუწიეს საფრანგეთში, მიუხედავად იმისა, რომ ორივენი დაზღვეული იყვნენ ლოკარნოთი, მასასადამე, არ ექვირებოდათ მოსკოვი რეინის საზღვრების დასაცავათ. საფრანგეთმა, საუბედუროდ, მოკავშირე პოლონეთსაც არ გაუწია ანგარიში, რომლისათვის აღმოსავლეთის პაქტში თავის შეყვება, უგერმანიოთ, საბედისწერო იქნებოდა. ძველი რუსოფილების ბართუ-დუმერგის მიდრეკილება ესლაც ძალაში დარჩა, იღბალი კიდევ, რომ ეს პირნი ან მათი მიმდევარნი არ მეთაურობენ ამჟამად საფრანგეთის პოლიტიკას. თორემ... კატასტროფა ფაქტად იქცეოდა.

ვისთვის იყო ხელსაყრელი ეს კატასტროფა? რასაკვირველია, მარტო მოსკოვისთვის. ერთის დაკვირვებით ის ორ კუთხელს იჭერდა: ომი მას თავიდან აშორებდა ხიფათს გერმანიის მხრით, იმავე ომს შედეგად მოყვებოდა რევოლუცია დამარცხებულ ქვეყანაში. როგორც ხედავთ, პირველ შემთხვევაში იგებდა სოფნარკომი, ხოლო მეორეში—კომინტერნი! ორივენი კი ემსახურებიან ერთ მიზანს—რუსეთის იმპერიალიზმის განმტკიცებას მსოფლიო ფარგალებში.

განსოვთ, ლოკარნოს მონაწილეთა თათბირი პარიზში დაიწყო, მაგრამ პირველი სხდომის შემდეგ იდენმა მოითხოვა მისი ლონდონში გადატანა. საინტერესო იყო მისი მომიზეზება—ჩემს მთავრობასთან მუდმივ კონტაქტში უნდა ვიყოფო, თითქო ფლანდენს არ ექვირებოდა ასეთივე კონტაქტი თავის მთავრობასთან! არა, მიზეზი იყო პარიზის ატმოსფერა; თვით ყენევის ატმოსფერაც შეუფერებელი გამოდგა! რატომ? იმიტომ, რომ მოსკოვის დელეგატი ლიტვინოვი პარიზში, ისე როგორც ყენევაში, persona grata-დ გრძნობს თავს; და ეს მით უფრო, რომ სწორეთ რუს-ფრანგთა პაქტმა ატეხა მთელი ეს ალიაქოთი.

თემზის პირად, ამრიგად, უფრო ხელსაყრელი გამოდგა როგორც ლოკარნისტების, ისე ერთა ლიგის საბჭოს ნორმალური მუშაობა. იქაც ეწეოდა, რა თქმა უნდა, haute politique-ს ლიტვინოვი თავის ვასალების, ტიტულესკოს და რუშუმი არასის დახმარებით, ერთი მქუხარა სიტყვაც კი წარმოსთქვა ლიგის საბჭოში—ჰკა ლოკარნოს დამრღვევსო—, მაგრამ დიდ სახელმწიფოთა ინგლის-საფრანგეთ-იტალიის სათათბირო კარები დახული იყო მისთვის.

სწორეთ ამ სამმა სახელმწიფომ, ბელგიასთან ერთათ, გამოიმუშავეს ის პირობები, რომელიც გერმანიას გადაეცა, წინადადების და არა ულტიმატუმის სახით, როგორც იდენმა განაცხადა თემთა პალატაში. ჩვენ არ ვეხებით ამ წინადადებით, კიდევ მოგვიწდება მათზე წერა, ვიცი რომ მოლოდინი, რომ პიტლერმა უარყო ისინი და დაიბრდა ლოკარნისტებს თავის კონტრა-წინადადებას 31 ამ თვისთვის. ლიგის საბჭომაც გადადო თავის სხდომები, მან მოასწორო

მხოლოდ გერმანიის «ერთხმად» გაიციხვა პაქტების დარღვევისთვის, ე. ი. განმეორდა ის, რაზედაც ბევრჯერ გვიწერია: «მცირენი» ასრულებენ «დიდების» კარნახს, ლიგის პრინციპი აქ არაფერ შუაშია, ძალთა განწყობილება და არა პარაგრაფები სწყვეტს საკითხს.

მდგომარეობა სერიოზული რჩება, რა თქმა უნდა, საყოველთაო ხანძარი არ არის მთლათ გამორიცხული, მაგრამ, თუ დააკვირდით პრესას ლონდონში, თვით პარიზშიც, ხალხს არ სურს ომი. საფრანგეთში უკვე დაწყებულია საარჩევნო კამპანია და არავის ებადება იჭვი, რომ ფრანგთა ერთი სამშვიდობო პოლიტიკის უმრავლესობას გაიყვანს. ცხადია, მოსკოვი პირში ჩალა გამოვლებული დარჩება, ვერც ერთ კურდღელს ვერ დაიჭერს და ორივე მხრიდან, სამაგიეროთ, იგივე სიკვდილის აჩრდილი აეტუნება.



რედაქცია ამით აუწყებს ყველას,

რემ მძვავალ მაისის თვიდან

**„დამოუკიდებელი საქართველო“**

უფასოდ არავის გაეგზავნება.



**ერთა ლიგის ირგვლივ**

ერთა ლიგის დამხმარე ასოციაციების ინტერნაციონალურ უნიონს ჩვეულება აქვს ზამთრის დამლევის სესიად შეკრიბოს ყველა თავისი მუდმივი კომისიები, რომელნიც სწავლობენ მიმდინარე საერთაშორისო საკითხებს და იმუშავებენ მომავალ ყოველწლიურ კონგრესისათვის რეზოლიუციებს. ასეთი კომისია ოთხია: ალბრდის, ეროვნულ უმცირესობის, ეკონომიურ და სოციალურის, იურიდიულ და პოლიტიკურ საკითხების. ეს უკანასკნელი ყველაზე უფრო მნიშვნელოვანია არა მარტო იმით, რომ ყველა აქტუალურ დიდ პრობლემებს არჩევს, არამედ იმიტომაც, რომ ზოგი სხვა კომისიების გარჩეული საკითხები ხშირად მასთან გადადის კვლავ გასარჩევად და შესაფასებლად. ამით აიხსნება, რომ მისი სხდომა ხდება ყველა სხვა კომისიების სხდომების გათავების შემდეგ, სწორედ სესიის დასრულების წინ და მასში შედიან ყველა ასოციაციების უდიდესი წარმომადგენლები. მაგრამ მის სხდომას ჩვეულებრივად მრავალრიცხოვან დელეგაციების მხოლოდ ნაწილი ესწრება, უმთავრესად დახელოვნებულნი, კომპეტენტური პირნი. 23 თებერვალს, ამ ჩვეულების წინამდევ, საფრანგეთის დელეგაცია სრულად, შვიდივე წარმომადგენლებით დაესწრო. იქნებ ეს იმით აიხსნება, რომ დელეგაცია კომისიაში საჩქარო წესით წამოაყენა რეზოლიუციის პროექტი შორეულ აღმოსავლეთის მდგომარეობაზე. ამას

ისიც უნდა მივმართო, რომ ხსენებულ კომისიის თავმჯდომარედ არჩეულ იქნა საფრანგეთის ასოციაციის თავმჯდომარე ყოფილი მინისტრი ბ. ემილ ბორელი.

როცა სხვა საკითხების გარჩევის შემდეგ ჯერი ხემახნებულ პროექტზე მიდგა, ფრანგ დელეგატების სახელით ვრცელი მოხსენება გააკეთა პროფ. პრუდომომ მათი წინადადების დასასაბუთებლად. მან ისე, როგორც თვით რეზოლიუციის პროექტში ნათქვამი იყო, განაცხადა: «იაპონიამ დაარღვია ჩინეთის პოლიტიკური დამოუკიდებლობა და ტერიტორიული მთლიანობა; ახლა ის იარაღით ხელში ემუქრება მონგოლიას და საბჭოთა კავშირს». თანახმად რეზოლიუციის პროექტისა ის მოითხოვდა ერთა ლიგისაგან იაპონიის წინამდებე საქარო ზომების მიღებას. გარდა ამისა ხსენებულ პროექტის დასამტკიცებლად წარმოდგენილი იყო ვრცელი მემორანდუმი. ბ. პრუდომოს მოხსენების გათავისებინა თანვე ქართულმა წარმომადგენელმა შავიწვილმა სიტყვა მოითხოვა, მაგრამ თარგმანის გათავისებისას როცა თავმჯდომარემ «ინებეთ» უთხრა; მან ხელით მიუთითა ჩინელ და იაპონელ დელეგატებზე. პირველებმა ძალიან გაცხარებით დიდხანს ილაპარაკეს ფრანგების პროექტის მხარის დასაჭერად და ითხოვდნენ რეზოლიუციის საჩქარო მიღებას. იაპონელმა თავისი შეხედულება დაიცვა, ხოლო არავის გაუგია, ისე ცუდად ილაპარაკა. ამთ შემდეგ თავმჯდომარემ სიტყვა ინგლისელ დელეგატს მისცა, რომელიც თავიდანვე თანხმობას აცხადებდა რეზოლიუციის მიღებაზე. მაშინ წამოხტა შავიწვილი შემდეგი სიტყვებით: «ბატონო თავმჯდომარე! წესი და სამართალი მოითხოვდა; ჩემზე წინ ელაპარაკათ პირდაპირ დანტერესებულ დელეგაციებს. ამიტომაც მე დავუთმე ჩინელებს და იაპონელებს, ხოლო სიტყვაზე კი უარი არ მიუთქვამს». თავმჯდომარემ ინგლისელი ორატორი გააჩერა და ბოდიში მოიხადა შავიწვილის წინაშე, რომელმაც შემდეგი სიტყვა წარმოთქვა:

«უეჭველია, ფრანგების განზრახვა კეთილშობილურია. მე ის მომწონს და ბუნებრივად მიმაჩნია იმ ადამიანების მხრით, რომელნიც არიან წარმომადგენელნი დიდი საფრანგეთის რევოლუციის მშვენიერი პრინციპებისა. თუ სიტყვა ავიღე, არა იმიტომ, რომ წინააღმდეგ მათ წინადადებას, პირიქით მიინდა მხარი დავუჭირო. ფრანგების წინადადება ილაშქრებს იაპონიის ძალადობის წინამდებე, რომელიც იხანავს ჩინეთის ტერიტორიის მთლიანობას და დამოუკიდებლობას. სადავო არავისათვისაა, რომ ძალადობას მიმართავენ ჩინეთის ტერიტორიის მიმართ, რომ შევისივნენ მის მიწა-წყალს. ხოლო წარმოდგენილი წინადადება არაა სრული. საქაროა შევსება. ჩინეთს მართა ერთი არასასურველი მესობელი კი არ ყავს, არამედ ორი—ორივე თავდამსხმელი. თუ ერთმა მეზობელმა შექმნა სახელმწიფო, მეორემაც ხომ შექმნა ასეთი. თუ მანჯუყუს სახელმწიფო ინსტრუქციებს ტოკიოდან იღებს, გარეშე მონგოლია ინსტრუქციებს მოსკოვიდან იღებს. ამას გარდა ჩინეთში არსებობენ კომუნისტური ჯარები, რომლებიც ებო-

ძვიან ეროვნულ ჯარებს, რომელთაც კვებავს მოსკოვი და ამხედრებს ნანკინის წინამდებე. ბოლო დროს თქვენ მრავალი დეპეშა წაიკითხეთ ჩინეთიდან მიღებული, რომლებიც ამბობენ, რომ კომუნისტებმა ბევრჯერ გაიმარჯვეს და ემუქრებიან ხანანს. ვიმეორებ, რომ სიამოვნებით ვუერთდები ფრანგთა ასოციაციის წინადადებას, მით უფრო, რომ ჩვენ ვიცით, თუ რა არის თავდასხმა და სამხედრო ოკუპაცია ქვეყნის, და არა თუ იმ პრინციპების მიხედვით, რომელნიც გვავალებენ დამონებულ ერების მხარის დაჭერას, არამედ იმიტომაც, რომ უცხო უღლის ქვეშ მყოფ ერთა შორის სოლიდარობა არსებობს. სწორედ ამ სოლიდარობის ძალით და თანაგრძობისა, რომელსაც განვიციდი ჩინეთის მიმართ, მე მოვიტხოვ ჩინეთის დამოუკიდებლობის სრულს დაცვას. მესმის, რომ ჩინელთა თვალსაზრისით დასაშვებია ტაქტიკა—ერთი მტერი მეორეს საწინამდებელ გამოიყენო. ხოლო ეს არაა მისაღები ერთა ლიგის დამხმარე ასოციაციების საერთაშორისო კავშირისთვის და მისი რეზოლუცია არ უნდა იყოს ცალმხრივი. თუ ეს იქნა მიმართული ჩინეთის დამოუკიდებლობის ერთი მტრის წინამდებე, უეჭველად მას ისარგებლებს მეორე მტერი. ამას გარდა, მართა ჩინეთი არაა, რომ იჩაგრება უცხოელის თავდასხმისაგან. არსებობს ჩემი ქვეყანა, საქართველო, რომელსაც ახრობს უცხო ძალადობა; არსებობენ კავკასიის სხვა ერებიც—ანტურბიჯანი, სომხეთი, ჩრდილოკავკასია, უკრაინა, თურქისტანი. მივესალმები საფრანგეთის ასოციაციას კეთილშობილურ წინადადებისათვის, ვიწონებ მას და გამოვსთქვამ რწმენას, რომ იგი შემოიტანს სხვა წინადადებებს, ასევე მოსაწონთ და კეთილშობილურთ. ბატონებო, ყველაფერი ეს იმიტომ მოვახსენეთ, რათა შეუბღალავი დარჩეს ერთა ლიგის დამხმარე ასოციაციების კავშირის სინდისი.»

ამ სიტყვების შემდეგ ფრანგ დელეგატებმა ერთმანეთ შორის მოილაპარაკეს და მათი სახელით ქნ დელატურ სელის განაცხადებიც, რომ ისინი რეზოლიუციას დროებით ხსნიან, მხოლოდ საკითხის შესწავლას მოითხოვენ გლაზგოვის კონგრესისათვის, რომელიც მიიღებს რეზოლუციას. ეს კონგრესი ივნისის დამდევს შესდგება.

საქართველოს საკითხი

ამ ჟამად დიდ მოღვაწეა საბჭოთა ქებადიდება. ამის ერთ მოხალისეთაგანად გამოვიდა A. Corswant თავის, რუსეთის მიმართ ალტაცებით აღსავსე, წერილში შვეიცარულ სოციალისტურ გაზეთ «სანტინელში», რომლის დამოუკიდებლობა და გამბედაობა ყველასთვის ცნობილია. მას იმავე ორგანოში პასუხი გასცა სოციალისტების ლიდერმა, შვეიცარიის ფედერ. პარლამენტის დეპუტატმა რობერტმა, რომელიც, სხვათა შორის, სწერს: «თქვენ ამბობთ, წითელი არმია პაციფისტური არის და ეს მან დაამტკიცა იაპონიის მიმართ». მეორე რატომ არ დაამტკიცა ამ არმიამ თავისი მშვიდობიანობა საქართველოს

მიმართ, რომლის შესახებ თითქოს უფრო არ ჰქონდა სხვა განზრახვები, ვიდრე აქვს იაპონიის შესახებ? განა ამ პატარა რესპუბლიკას სრული მშვიდობიანობის დროს არ დაესხა თავს, წინამდებე დადებულ ხელშეკრულობისა? თუ ზარბაზნების და ყუმბარების ფაბრიკანტებს არ წაუქეზებიათ წითელი არმია, განა ცხადი არაა, რომ კავკასიის ნაფთის სიმდიდრემ მიიზიდა?»

შემდეგ ავტორი განსაკუთრებულ წერილს უძღვნის საქართველოს საკითხს, რომელსაც შემდეგ ნუმერში გავაცნობთ ჩვენს მკითხველებს.



მშვიდობიანობის საერთაშორისო ბიუროს ორგანო «Le mouvement pacifiste» აცნობს მკითხველებს ლონდონში გამოსულ «Georgica»-ს და ასე დასკვნის:

«საქართველოს საკითხი დღიურ წესრიგში დგას. ის გარემოება, რომ რუსეთი მიღებულია ერთა ლიგაში და იქ დღეს დიდს როლს თამაშობს, რომ მესამე ინტერნაციონალის აგენტები მსურვალე აქტივობას იჩენენ ევროპის სხვადასხვა სახელმწიფოებში, — გვავალდებს, რომ ამ საკითხს მხარი დავუჭიროთ. პაციფისტები უკანასკნელნი დავივიწყებთ მას. ჩვენ ვიხსენებთ იმასაც, რომ სათანადო დაპირება იყო მიცემული იმათგანაც კი, რომლებიც ემხრობოდნენ რუსეთის მიღებას ერთა ლიგაში.

საქართველოს მამულიშვილები უმოქმედოდ არ რჩებიან. ეს გამოაცხადა (Georgica) თავის მშვენიერი გარეგნობით და შინაარსით ამტკიცებს მათ სიცხველეს და რწმენას. იგი გამოადის ინგლისურად და არის ორგანო საქართველოს ისტორიულ საზოგადოების. მისი მიზანია გააცნოს საქართველოს მეგობრებს ამ საინტერესო ქვეყნის ისტორია, კულტურა, დაწესებულებანი, მოღვაწენი, რომელთაც გავლენა ჰქონდათ ევროპის ცივილიზაციის განვითარებაზე.

ვისურვებთ, რომ ახალ გამოცემას ბევრი მკითხველი მოეპოვოს და თანამგობრივ საქართველოს და კავკასიის სხვა ერების საკითხისთვის».



### გმრანული პრესა საქართველოში

ბერლინის კათოლიკურმა გაზეთმა «გერმანია» თავის 19 იანვრის ნომერში უძღვნა საქართველოს კითხვას მთელი განსაკუთრებული დამატება, სათაურით «საქართველოს წამების გზა». რედაქცია თავის შესავალ წერილში ეხება საერთოდ საბჭოთა კავშირის ეროვნებათა კითხვას. შემდეგ კი ათავსებს მთელ რიგ წერილს საქართველოს ისტორიასა, ლიტერატურასა, შოთა რუსთაველსა, ქრისტიანობაზე და სხვ. ასეთი ყურადღება და თანაგრძობა ჩვენი ტანჯული ერისადმი ცნობილი ბეჭდვითი ორგანოსგან უწყველად უდიდესი მაღლობის ღირსია. სამწუხაროა მხოლოდ, რომ რედაქცია უმთავრესად გაზ. «კლდის» და მის თანამშრომელთა წერილებს სარგებლობს, რომელნიც ამ არაჩვეულებრივ სასი-

მოვნო შემთხვევას თავიანთი ჯგუფის და ნამეტნავად თავისი შეფის შ. ქარუმიძის პირადი რეკლამისთვის იყენებენ. ეს განსაკუთრებით ითქმის ვ. სადათირაშვილის წერილებზე, რომელსაც თანამედროვე საქართველოს ერთად ერთ ეროვნულ ხელმძღვანელად — მთელი ამ უკანასკნელი ოცდაათი წლის მანძილზე — შ. ქარუმიძე გამოყავს. არ შეიძლება მოწონებულ იქნეს ის გარემოებაც, რომ ბ. სადათირაშვილს და გაზ. «კლდე»-ს გაზეთი «გერმანია» და ბევრი სხვა გერმანული გაზეთები შეცდომაში შეყავთ, თითქოს შოთა რუსთაველის 750 წლის თავი შარშან ყოფილიყოს გადახდილი საქართველოში და ამ ცრუ საბაბით ათავსებენ წერილებს რუსთაველზე და საქართველოზე, რომ ამასთან იგივე თვითრეკლამა აწარმოვონ.

დიდად სამწუხაროა, რომ ზოგი ჩვენი თანამემამულე საქართველოს სახელს არ უფრთხილდება და თავის თავსაც არა სახარბიელო მდგომარეობაში აყენებს. პატივცემული გერმანული ორგანო კი, იმედი გვაქვს, ადვილად გაეცნობა ჩვენი ეროვნული ბრძოლის დეტალებსა და მის ნამდვილ ხელმძღვანელობასაც.



საქართველოს საბჭოთა რუსეთის მიერ დაპყრობის 15 წლის თავზე გერმანიის ცენტრალურმა ანტიკომუნისტურმა ბიურომ, რომელსაც «ანტიკომინტერნი» ეწოდება, თავის საპრესო ბიულეტენის პირველი მარტის ნომერში გამოუშვა ვრცელი წერილი სათაურით: «ქართველი ერის ტრადედია. 15 წელი იმპერიალიზმის ქვეშ». წერილში გაშუქებულია საქართველოს წარსული, ობიექტიურად აღწუსებულია თავისუფალი საქართველოს და მისი მთავრობის საქმიანობა, მიღწევანი და ბრძოლები და ვრცლად დასურათებულია მოსკოვის ფლიდი და სისხლიანი პოლიტიკა, როგორც დაპყრობის ხანებში ისე მის შემდეგ. დასასრულ ავტორი განსაკუთრებით ეხება განსვენებულ ნოე რამიშვილის პიროვნებას და მის ტრადიკულ ბედს. ეს წერილი მოთავსდა მრავალ პროვინციულ გაზეთში.

ცნობილ ინდუსტრიალურ ქალაქ ესენის მეტად გავრცელებულმა ნაციონალ-სოციალისტურმა გაზეთმა «ნაციონალ-ცაიტუნგ» მა, რომელიც მინისტრ გერინგის ორგანოთ ითვლება, დაბეჭდა 25 თებერვალს აგრეთვე ვრცელი და შინაარსიანი წერილი «საქართველო წითელი იმპერიალიზმის ულლის ქვეშ». წერილში აგრეთვე დალაგებით არის აღწერილი ქართველი ერის წამების გზა და მისი მძიმე ბრძოლა და სამარცხვინო ბოძევა გაკრული მისი ჯალათები. წერილს თან დართული აქვს საქართველოს და მთელი კავკასიის რუკაც.



### მოხსენება შოთა რუსთაველზე

პრ. ალ. უკრაინელ პროფესორმა გრ. ომელ-ჩენკომ (ყუბანიდან) გააკეთა 12 მარტს უკრაინელ მწერალთა და ჟურნალისტთა საზოგადოებაში მოხსენება შოთა რუსთაველზე. ავტორი მთელი რიგი მონოგრაფიულ ნაწერის უკრაინულ და ჩეხურ ენაზე, პროფეს. ომელჩენკო წანუძმდვარებს რუსთაველის პოემის ვრცელ გარჩევას საქართველოს ისტორიის მოკლე მიმოხილვას, ზოგიერთი პირადი დაკვირვებებით და მოვლენებით ქართული ცხოვრებიდან და ქართველებთან შეხვედრიდან, რათა დაასკვნას: ჩვენ უკრაინელები ვერ ვიჩინებ შესაფერ ინიციატივას გავეცნოთ და შევისწავლოთ ჩვენი უახლოესი, უერთგულესი და უკულტურესი მეგობარის, ქართველი ერის მრავალფეროვანი, ძველი სახელოვანი კულტურა მისი უდიდესი განძით—ლიტერატურით.

«ვეფხისტყაოსანის» გარჩევა სწორეთ რომ განსაკვიფრებელი იყო. მომხსენებელმა ზოგიერთი ადგილები თარგმნა გალექსილი უკრაინულად, რამაც დიდი შთაბეჭდილება მოახდინა მის თანამემამულეებზე. ავტორი სარგებლობდა ბალმონტის თარგმანს და საზოგადოთ რუსულ წყაროებს და უნდა ითქვას, რომ მან სრულიად დამოუკიდებლად ხაზი გაუსვა იმ დებულებებს უკვდავი პოეტის ნაწარმოებში, რასაც ვხვდებით ქართულ გარჩევებშიც, განსაკუთრებით ამ ბოლო ხანს უცხოეთში რომ დაიწერა (ნ. ჟორდანი, პროფ. ავალიშვილი და სხ.). მეგობრობა, მისთვის თავის დადება, ხსნა სხვისი, რომ იხსნა შენი თავი—აი რას ქადაგებს მე-12 საუკუნის ქართველი გენიოსი, წინამდებ დღევანდელი ათასწიერი პაქტომანიის და ამდენივე ლალატის და ვერაგობისა—აცხადებს მომხსენებელი და ურჩევს დამსწრეთ შეისწავლონ შოთა რუსთაველი და მისი სამშობლო. მოხსენებზე დამსწრე ქართველმა გააკეთა რა ზოგიერთი დამატება, მაღლობა გამოუცხადა პატივცემულ პროფესორს და გამოსთქვა იმედი, რომ მას გამოუჩნდება მიმბაძველები ორივე ერისთვის ამ სასარგებლო საქმეში.

ლ.

### სამაგალითო აღამიანი

რამდენიმე წლის მძიმე ავადმყოფობის შემდეგ, 24 თებერვალს ქალ. ლოზანაში გარდაიცვალა ღრმა მოხუცებული ჩვენი თანამემამულე ქ-ნი მარიამ თუმანიშვილისა. განსვენებული, მიუხედავად დავრდომილობისა—ხუთი წელიწადია ფეხზედ ვერ დადიოდა—, მოხუცებულობისა და თვალნაკულეგანებისა, ახალგაზდული ენტუზიაზმით ესწრაფებოდა საქართველოს ბედობლის გაგებას, უკანასკნელ სანტიმებს ხარჯავდა «დამ. საქართველოს», «პრომეთეს» და სხვა გამოცემების გამოსაწერად. თავის ტკივილებს ივიწყებდა და ქვეყნის ტანჯვაზე ფიქრით იტანჯებოდა. ნივთიერად ძალიან ვიწროდ იყო

(საცხოვრებელ ფულს მას პეტრეს ქვრივი ქ-ნი ზუბალაშვილისა უზუნაწინა ამ 11 წ. განმავლობაში), მაგრამ მან იერუსალიმიდან მობრუნებისას 1925 წ. გაიგო თუ არა საქართველოს დამხმარე ინტერნაცი. კომიტეტი არსებობს, მაშინვე ითხოვა ასოციაციის წევრად მიღება, რათა საწევრო ფულის გადახდით მაინც თავისი წვლილი შეეტანა.

დაკრძალვა მოხდა 27 თებერვალს ქ. ფრობურგში, სადაც ლოზანიდან წინა დღით წაასვენეს. დაკრძალვას დაესწრო საქართველოს წარმომადგენელი ხ. შავიშვილი. საქართველოს დამხმარე ინტერნაცი. კომიტეტმა გვირგვინით შეამკო განსვენებულის კუბო.



### საქართველოს ამბები

(გაზეთებიდან)

გამოვიდა ი. გრიშაშვილის წინასიტყვაობით და შენიშვნებით «საანდაზო ლექსები» ილ. ჭავჭავაძის ამოკრეფილი «ვეფხისტყაოსნიდან», «ქილია და დამანიდან» და «გურამიანიდან», რომელიც თავის დროზე «ივერიაში» დაიბეჭდა.

— გამოვიდა კ. გამსახურდიას სამ ტომიანი ეპოპეა «მთვარის მოტაცება».

— კიევის უნივერსიტეტის ასი წლის იუბილეს გამო კიევი მოხსენება წიკიტხა შოთა რუსთაველზე პროფ. კ. კეკელიძემ, რომელმაც დიდი ინტერესი გამოიწვია.

— მხატვართა კავშირის შენობაში მოხსენებები წიკიტხეს შ. ამირანაშვილმა «ვეფხისტყაოსნის ახალი მხატვრული გაფორმების მთავარი პრინციპები ძველი ქართული ხელოვნების და ყოფა-ცხოვრების მასალების მიხედვით» და ა. ბარამიძემ «ვეფხისტყაოსნის საკითხები».

— სახელგამს განზრახული აქვს გამოსცეს «ვისრამიანი», «სიბრძნე სიტრუის წიგნი», «კალმხობა», «დიდი მოურავიანი».

— საბჭოთა კავშირის სამეცნიერო აკადემიის საქართველოს ფილიალმა გამოაცხადა კონკურსი საუკეთესო გამოკვლევისათვის შოთა რუსთაველის და მისი ეპოქის შესახებ. დანიშნულია სამი ჯილდო: 15, 10 და 5 ათასი მან.

— გრ. ხუროძემ აღმოაჩინა «ვეფხისტყაოსნის» ახალი ხელნაწერი, რომელიც გადაწერილია 1833 წ. და შეიცავს ბევრს ისეთს ტაეპებს, რომელიც არაა სხვა ვარიანტებში.

— ვარძიაში გაიგზავნა საგანგებო კომისია, რომელსაც დავალებული აქვს შედგენა ხარჯთ აღრიცხვისა ვარძიის რესტავრაციისათვის.